

洪北江詩文集

化圖書館

Waltham Library

開化圖書館

Kaishwa library

開化圖書館

Kaithua library

開化圖書館

Kaichua library

更生齋詩卷第一

陽湖洪亮吉著

萬里荷戈集

八月二十七日請室中始聞遣戍伊犁之

命出獄紀

恩二首

暫離三木卽身輕忽綴元戎後隊行

那彥成尚書奉命往陝西軍營參

贊亦于是日

天上玉堂虛想像道邊金甲尚縱橫預知

前路應長往從此餘年號更生穩卧側輪車畔好員扉

幾夕夢難成

已作孤兒三十春道旁今更泣孤臣全軀自感

君恩厚對簿偏忘獄吏尊人笑冷官羅法網天教熱血
灑邊塵受

知兩度真逾次

未散館卽簡任學政及
入直內廷皆屬異數

敢向閑中惜此

身

蘆溝橋口占贈張吉士惠言并寄同館諸君子

張君本同里故交今歲五月余蒙

恩派教習度吉士張君適在其內執弟子之禮甚恭
余不敢當也其餘諸君亦竝絡繹出送致贐故作此
致意云爾

春明門外駐征輪簪笏同來信逐臣我視黃州已僥倖
綴行相送較情親

出嘉峪關僱長行車二輛車箱高過于屋偶題一絕

持燈行三更鞭屋行萬里削雪正欲烹一星生釜底

出關作

半生蹤踪未曾閒五岳遊完鬢乍斑却出長城萬餘里

東西南北盡天山

抵玉門縣

萬餘里外尋鄉郡余家郡望敦煌三十年前夢玉關余弱冠時在天井巷

汪宅課甥曾夜夢至天絕笑班超老從事欲從遲莫想

生還

安西道中

萬古飛難盡天山雪與沙怪風生窟穴戰地絕蓬麻野

戍年將換穹廬日不華仍從候人問恐有路三义

疏勒泉

一水懸天上遙知疏勒泉浴波童類雀剗岸屋如船齒
髮衝冰墮功名煮弩傳從戎本吾願前路莫潜然

安西至格子墩道中紀事

我行發安西十日五停軸疲蹤本思憇所苦乏室屋兼
之山萬仞不貯水一掬狂風飛牛羊往往集空谷三更
寒霧重馬足植如木乞火爇束薪言依橐佗腹

此日風候嘉殘漏行百里荒荒紅一綫日出土囊底嚴
程原有限沙磧從此起來從天山頭去向天山尾沙深
行旅斷見客心輒喜泥漿藏破匱到口甘若醴飲馬投

百錢喧聲尚難已

偶逢陳世昌曾令楚邊邑殺賊爲賊縛荷戈來百驛三
歲得減徒庶幾歸有日班荆相慰藉反致淚嗚咽一妻
前被殺兩子致殘疾生還雖可樂奈已乏家室東望嘉
峪關中懷慘如結

林鳥大如犬兀傲不避人攫肉翔道旁足蹴十丈塵居
民半焦黑人鬼固不分出穴競往來半雜鷄與豚襍被
何處棲爬抉沙石根不然升高原廟古依土神

天山歌

地脉至此斷天山已包天日月何處棲總挂青松巔窮
冬棱棱朔風裂雪復包山沒山骨峰形積古誰得窺上

有鴻濛萬年雪天山之石綠如玉雪與石光皆染綠半
空石墮冰忽開對面居然落飛瀑青松岡頭鼠陸梁一
一競欲餐天光淞林弱雉飛不起經月飽啖松花香人
行山口雪沒蹤山腹久已藏春風始知靈境迥然異氣
候頓與三霄通我謂長城不須築此險天教限沙漠山
南山北爾許長瀚海黃河茲起伏他時逐客倘得還置
冢亦象祁連山控弦縱遜票騎霍投筆或似扶風班別
家近已忘年載日出滄溟倘家在連峯偶一望東南雲
氣濛濛生腹背九州我昔歷險夷五岳頂上都標題南
條北條等閒耳太乙太室輸此奇君不見奇鍾塞外天
奚取風力吹人猛飛舉一峯缺處補一雲人欲出山雲

不許

進南山口

一峯西來塞官路峰頭一峰復回互人疲馬嬾亦少休
雲外飛橋落無數山坳路古盤如綫却向林梢瞰遙甸
一片伊吾曉日華黃金世界空中現

下天山口大雪

危峰北去高無際過嶺風聲水聲異鞭梢拂處險接天
風勢吹人欲離地千峰萬峰迷所向意外公然欲相抗
雲頭直下馬亦驚白玉闌干八千丈

松樹塘道中

馬定知人意穿松屈曲行漸忘遷客感足憫看山情閱

奚取風力吹人猛飛舉一峯缺處補一雲人欲出山雲

世心俱宋聽泉夢亦清林威丈人約何日許將迎

松樹塘萬松歌

千峰萬峰同一峰峰盡削立無蒙茸千松萬松同一松
榦悉直上無回容一峰雲青一峰白青尚籠烟白凝雪
一松梢紅一松墨墨欲成霖赤迎日無峰無松松必奇
無松無雲雲必飛峰勢南北松東西松影向背雲高低
有時一峰承一屋屋下一松仍覆谷天光雲光四時綠
風聲泉聲一隅足我疑黃河瀚海地脉通何以戈壁千
里非青葱不爾地脉貢潤合作天山松榦怪底一一
直透星辰宮好奇狂客忽至此大笑一呼忘九死看峰
前行馬蹄駛欲到青松盡頭止

前行馬蹄駛欲到青松盡頭止

菩薩溝道中

天山南北口百里積冰雪歲晚不逢人牛羊伴除夕

山隅一兩家早已閉門宿空明北斗光穹廬代然燭

齒髮能旋里應知亦

主恩

時值有江西滅徒回里者帶同戍人齒髮歸里

仍憐異鄉久魂怯玉關門

此水酌一滴永清人世心臨流莫相照聞說鬢毛侵

廿八日抵巴里坤

南山高瞰城下復裂深谷巉巖千丈堞排齒入山腹晴

天飛雪霰卽已沒車軸陰寒中人深肩背苦瑟縮千年

留戰地往往鬼夜哭年殘風益暴客至裹重幄燈火集

一城宵驚燭光綠

除夕巴里坤客帳祀先

昔日公孫瓚臨岐祀北邙潛然感先德忘却殊鄉燭
借穹廬火牲求牧澤羊荒寒一甌雪聊抵奠椒漿

除夕夜坐

世緣應已盡夢亦不還家別有關心處偏忘去路賒幾
行墳樹影千疊隴雲遮他日能歸骨從親傍水涯

鎮西元日

兩日松塘走急程亂雲開處出邊城奔馳萬二千餘里
來聽鄰雞第一聲

殊方都喜說新年板屋斜欹彩勝偏一事暫教鄉思緩
家家門巷有秋千

逢人入關卽寄胡安西紀謨楊靈州芳燦莊邠州忻錢

逢人入關卽寄胡安西紀謨楊靈州芳燦莊邠州斫錢
華州帖四刺史

何處能尋遷客蹤車箱眠已過三冬聊烹太古荒寒雪
盡洗平時磊落胸人說更生同子政我慚行殞學山松
心交海內今餘幾呵陳裁書手自封

覆車行

風漫天雪逼夜匹馬隻輪馳至山下驚沙撲馬馬忽奔
削徑倒下先摧輪車箱壓馬馬壓人馬足祇向人頭伸
身經竄逐死非枉只惜同行僕死妄驚魂乍定忽自疑
奔車之上無伯夷

肋巴泉夜起冒雪行

北風排南山山足亦微動寒光亘千尺壁立雪若衙車
箱沁肌骨清絕無一夢更殘欣出穴飛白壓衣重百里
僅數家山房疊成瓮相將依爨火漿濁感分送人氣亦
少蘇無如馬蹄凍

人日白山道中

三載逢人日驚心客鬼方

謂在貴州學使任

今來遷客夢仍阻

亂山旁莽莽沙如雪勞勞鬢已霜居人能尚義猶饋束

脩羊

逆旅主人子將授經屬余爲分句讀

自白山至噶順

嘒嘒蕭蕭徹五更狗亦不吠雞不鳴車箱縮項凍欲死
誰復料理征人行忽然破屋晴光出湧得天山一輪日

疲羸嘶風馬亦奮踏雪兼程到噶順

誰復料理征人行忽然破屋晴光出湧得天山一輪日

疲羸嘶風馬亦奮踏雪兼程到噶順

發大石頭汛

天山界畫分半空白雪自白雲光紅馬蹄斜上雪飛盡
衣袂飄入雲當中連峰中斷郵亭壞此是奇台鎮西界
平沙日午捲北風數點牛羊落天外

烏蘭烏素道次

烏蘭以北地不毛極視千里無秋毫窮荒鳥亦拙生計
啄土飲雪居無巢居人覲面能欺客獸復欺人占居宅
健兒彎弓射不得空手歸來氣填臆

初八日乘月行四十里至三個泉宿

人煙百里何渺茫疲羸獨行古戰場高天下地總一色

明月白雪分清光拂眉時有山禽過清獻聲高野禽和
三泉屈指尚半程我倦欲從雲外卧

古城逢立春

短轅車逐短衣人萬里來尋塞上春識路未應呼老馬
岐塗先已泣孤臣雲邊一笛驚殘夢天外三山伴此身
肯把障泥容易澣就中猶有

帝京塵

鷹攫羝行

一山嶮巖忽裂口千羊萬羊出其實羊羣居前牛在後
鷹忽飛來攫羝走羣羊哀鳴牛亦吼北巷南村集羣狗
鷹攫羝飛勢偏隄雲中健兒弓已折一箭穿雲覺雲薄

鷹攫抵飛勢偏陡雲中健兒弓已折一箭前穿雲覺雲去薄
羊毛灑空鷹爪縮天半紅雲尚凝鏃

牛觸冰行

天山十丈冰稜大牛角觸冰冰欲破牛向冰稜窟中墮
馬車西來不能過三馬曳牛牛尚坐道旁田夫添十箇
索曳牛蹄角先挫須臾冰陷牛方出一角已從冰上折
牧童驅牛不敢叱更裂氊裳裹牛血

夜抵木壘河

到得山村夜已迷窗櫺全不辨東西狼馴似馬憑鞭策
鵲大于雞共樹棲穴鼠岸然欺客睡壘猿時復雜兒啼
峰峰塞路誰能究只覺檐前北斗低
早發四十里井寒甚路人有墮指者

東坡詩集卷第一
極天惟有雪萬古不開山祇覺雲生滅從無鳥往還路
人傷墮指遷客屢摧顏倘有攀躋處思排虎豹關

元夕過阜康縣七十里宿黑溝

君恩應已重不敢更思鄉卽此逢元夕先忘在遠方話
愁惟對影與僕互傾觴兒女雖相憶何由識阜康

黑溝步月

邊庭昨日已東風寶鴨頻添雪乍融一晌春人夢魂膩
焉支坡上月先紅

五家村裏獨裴回奇絕峰巒面面開三百橐它燈一盞
夜深偷渡黑溝來

安濟海夜起

夜潮安濟海波焰燭天紅迥異雲霞色都疑神火烘松

夜闌安濟海波焰燭天紅迥異雲霞色都疑神火烘松
杉開嶺末烏鵲繞圍中待得雞頻唱關門日始東

自烏蘭烏素至安濟海雪皆盈丈十餘日不見寸土因

縱筆作

烏蘭烏素迄安濟十日見天不見地有時天亦被雪遮
天與雪光原不異惟交日午與月午日月破空光獨麗
阜雕如鵬排齒舞黑蜨象龍交角戲雙峰獨峰駝背闊
三角乙角羊頭細家牛漣乳酪尤厚埜雉作羹膏過膩
冰厓倏爾超百仞雪窟不須分四季狹哉豎亥東西步
笑絕唐虞朔南暨漢家亦僅開張掖惹得控弦益無忌
何如

聖世中外一并斷胷奴左邊臂南庭北庭幕已空陽關
玉關門不閉二千餘年方拓壤三十六國皆請吏尤欣
樓畝盡軍食不爾闢疆虧

國計溫都斯坦布魯特退木爾沙哈拉替修眉羅刹久
作汗戴角博羅都號比羣驅羊馬作互市從此番回悉
衣被賜之瑰麗手加額目以酋豪頭戴髻昆侖去天纔
咫尺日月藉此相隱蔽金銀臺殿誰得過我欲乘風縱
遊轡渾河入地波乍冽熱海逼冬泉亦沸山傾西北悉
破碎河界天人此分際張騫鑿空乃得到伯益蹠實何
其諦荒寒近始遭抉剔神妙誰能復思議元霜更在昆
岡外手握龜蛇出人意只憐我亦老史臣振筆欲增西

域記會看拓地過西海不使羣生有殊氣闕船已具千

域記會看拓地過西海不使羣生有殊氣閩船已具千
百艘宛馬益多三萬騎寒門銅柱親勒銘

功德高于百王帝

贈呼圖壁巡檢沈仁澍

如何遠宦經三徙

君從關展調署濟木
薩丞又調署呼圖壁

僅比流人近十

程同向瞭高臺上立欲從何處望江城

三臺阻雪

北風吹雪入鬼門風定雪已埋全村村人鑿穴透光景
百尺稜稜瞰樓頂燒松作炭雪不消反使石穴全身焦
征人停車已三日雪穴驚看馬牛出平明一綫陽光開
烏鵲就暖皆飛來征人欲行馬瑟縮冰大如船復當谷

發二臺

看山不厭馬蹄遙
笠影都從雲外飄
一道驚流直如箭
東西二十七飛橋

行至頭臺雪益甚

天山雪花大如席
一朵雪鋪牛背白
尋常雞犬見亦驚
避雪不啻雷與霆
幾家房廊陷成井
百丈青松沒松頂
瞥驚一騎去若飛
雪不沒髀風生蹄
東風乍停北風起
驅雪松濤十餘里
松柴燒赤老瓦盆
奇冷更變成奇溫
蘆草溝

蘆草溝邊路茫茫
日欲昏堅冰截南北
空白合乾坤馬
避千人集雅啼
獨樹村車箱
夢疇昔聊足
憫羈魂

避千人集雅啼獨樹村車箱夢曠昔聊足慰羈魂

伊犁紀事詩四十二首

城西乞得暫勾留

到日將軍派居城西別墅中

何止逃喧亦避讐只

覺醫方有奇效閉門先學陸忠州

橐筆頻年上玉墀虎賁三百笑舒遲書生亦有伸眉日

獨跨長刀萬里馳

廢員見將軍例佩刀長跽

環碧軒中崇不迷僅餘風柝雨淒淒固知此老迂難近

絕勝宵分咒準提

余寓齋相傳有魅全太守土潮居之每為所黶夜分輒誦準提咒然不能

禁也余未至前數日鄰童夢魅已移去

到日先傳領督催無端堂帖復追回

余到日初派督催處行走後又改派

冊房閒心檢點流人冊棖觸西川御史臺

余檢點舊事見御史李玉鳴年

貌冊故及之

熟客先驚問姓名記曾躍馬入咸京當時書記疎狂甚

親屈元戎作騎兵謂張總兵廷彥余辛丑歲客西安節署張時尚在撫標學習親導至曲江

鎮看花

誰跨明駝天半回傳呼布魯特人來牛羊十萬鞭驅至

三日城西路不開布魯特每年驅牛羊及哈拉明鏡等物至惠遠城互市

已分從公老牧羊門生家世本敦煌金丹五百題容緩

臨行屬篆金丹五百字先獻麻姑禁酒方房師王荔園先生官湖北安襄鄖道以軍興法

先遣戍伊犁在將軍署課讀飲酒時或過量故末語規及之

畢竟誰驅澗底龍高低行雨忽無蹤危厓飛起千年石

壓倒南山合抱松伊犁大風每至飛石拔木

日日衝泥掃落苔一條春巷八門開鼓樓北有八家巷屋宇街道路極修整

外臺自有蕭閒法謂廉使德泰乞余書攜具方家說餅

外臺自有蕭閒法

謂廉使德泰乞余書

攜具方家說餅

來

方兵備受疇製餅極佳與廉使對門每邀余飯則兩人台治具

坐來八尺馬如龍演武堂高夾路松謫吏一邊三十六

盡排長戟壯軍容

四月一日隨將軍演武場角射時廢員共七十二人

鑿得冰梯向北開陰厓白晝鬼徘徊萬叢燐火思偷渡

盡附牛羊角上來

冰山為伊犁適葉爾羌要道常撥回戶二十人日鑿冰梯以通行人

古廟東西闢廣場雪消齊露粉紅墻風光穀雨尤奇麗

蘋果花開雀舌香

城隅兩日霽寒威韋曲詞人尚下幃

謂韋大令佩金趁得南山

風日好望河樓下踏春歸

惠遠城南有望河樓面伊江為一方之勝

幽絕城西半畝宮古垣迤北盡長松危樓不用枯僧上

固兩時時代打鐘

西城外有古廟常白晝見罔兩迷人無敢入廟者

百輩都推食品工剪蔬饒復有鄉風銅盤炙得花豬好

端正仍如路侍中

同里趙上舍炳先以事戍伊犁今館于綏定城食品最工燒花豬肉尤美

甌脫宵寒忽異常行轅門外橐它僵堂期縱過天中節

明日仍冠骨種羊

將軍一月內以二五八為堂期諸廢員咸入辦事又伊犁夏日即換季後

每天寒則仍帶暖帽

遊蜂蛺蝶競尋芳花事初紅菜甲黃只有塞垣春燕苦

一生不及見雕梁

春燕皆巢土室中

一卷平臺紀事功十年循吏說宏農

楊廉使延理曾官臺灣知府預平林

爽文等著平臺紀事二卷時屬余點定廉使在閩中最有政聲

便同海外奇書讀腹痛

還思邴曼容

內有紀吾友湯大令大奎死節事

城西連日雨昏黃急溜先傾羊馬墻夜半老兵驚起叫

還思那曼容內有紀五友湯大令大奎死節事

城西連日雨昏黃急溜先傾羊馬墻夜半老兵驚起叫

阜鷓如虎撲人忙

萬死方來西海頭別司鎖鑰領兜牟

謂張太守鳳枝南時派管軍器庫

中老守疎狂甚尚憶東風燕子樓

太守有一妾留河南親串署內時憶及之

將軍昨日射黃羊親為番王進一湯

時哈薩克王子以承襲王爵來謝因

照例設宴

百手盡從空裏舉更憑通事貢真香

外番以藏香為貴有所敬

則獻之

芒種才過雪不霏伊犁河外草初肥生駒步步行難穩

恐有蛇從鼻觀飛

伊犁南山下有異蛇一種遇驟馬即直立如挺或入馬鼻中啖腦髓馬遇

之無不立死

黃泥墻北打門頻白髮來辭喜氣新

謂開鎮臺九敘以前四月奉恩旨

釋回至四川 却買鮮魚飼花鴨
伊犁鶩鴨必以鮮魚飼之乃肥 商量明

日餞歸人

伏流百尺水潏潏地勢斜衝北斗垣高出長安一千里

故應雷雨在平原
伊犁地形高出西安八百餘里

生羌一月病彌留夜半魂歸戶不收忽變驢鳴出門去

郭橋何似板橋頭
二月中有生羌居北關外將死忽變為驢惟一足未化人皆見之

偶選龍媒貢上方萬蹄如鐵剖河梁驂駟盡解如人立

環拱將軍下角場

鶉鴣啼處却東風宛與江南氣候同杏子乍青桑甚紫

家家樹上有黃童
伊犁桑甚極美白者尤佳

累臣百計遣秋光學圃年來寢有方時得菊花三百本

歸家亭子真重陽歸方伯景照善時菊每

歸家亭子宴重陽

歸方伯景照善蒔菊每
年以重陽前後宴客

窮荒連月有

恩綸邊雨初晴塞艸春
昨午北郊迎

詔使分明捧日兩黃人

純皇帝升祔詔使到日雨適
霽余隨將軍出北郭恭迂

怪風時起撲燈蛾
舊燕巢欹鼠作窠
蒸得春蚊大如斗

南山溼霧入簾多

老饗到此已無緣
且減常餐汲井泉
十日齋厨冷于寺

故應蔬味勝腥羶

達板偷從宵半過
箏琵琶絲竹響偏多
不知百丈冰山底

誰製齊梁子夜歌

夜過冰山者每聞下有絲竹之聲
又聞有唱子夜歌者莫測其奇也

籬豆花紅蘚葉班
時時約客話更闌
齋厨百品多嘗徧

惜少山雌入食單

陳巡撫淮食品絕精聞秋冬間燒雉尤美惜不及食之

山溝六月曉霞蒸百果皆從筵上升買得塔園瓜五色

溫都斯坦玉盤承

果子溝至六月百果方熟伊犁北郭外滿洲駐防塔章京園內有五色瓜

溫都坦製玉盤孟等極精伊犁亦時有之

偶向尊前學楚歌天涯誰識故人多郎官湖水清如鏡

絕憶三更放棹過

癸卯秋余自西安歸過漢陽族姪聖也邀余夜遊郎官湖時廉使德泰為

漢陽守亦在座余已不記憶矣及至此廉使語及之

五月天山雪水來城門橋下響如雷南衢北巷零星甚

却倩河流界畫開

四月以後即引水入城街巷皆滿人家間作曲池以蓄之至八九月始涸

戟門東去水潺湲山色周遭柳作垣日昃馬行三十里

納涼須駐會芳園

會芳園在綏定城總兵署後極幽爽

待得城樓月欲升竟攜茶具就書燈

待得城樓月欲升竟攜茶具就書燈

九朝舊事無人聽只有西廳老郡丞

同知哈豐阿性嚴冷與滿漢同官無

一合者惟最重余又留心國朝舊事以余歷直內廷諸館頗諳掌故每夜輒攜果餌等物就訪乞余為說

九朝事蹟恒傾聽不倦

結客城南緩步回水雲寬處浪如雷昨宵一雨渾河長

十萬魚皆擁甲來

伊犁河魚極多皆無鱗而皮厚如甲

一旬胡蝶已成團便擬開筵宴謫官攜得百花洲畔法

種來鷺粟大如盤

陳巡撫寓齋鷺粟獨盛有五色如盤者蓋江西所攜來之種擬分日宴客

積雨冥濛路不開嶺岼歷盡始三臺萬松怪底都相識

曾向童年入夢來

雪深纔出玉門關三月

納涼須駐會芳園
會芳園在綏定城總兵署後極幽爽

君恩已賜環贏得番回道旁看爭傳李白夜郎還
行抵伊犁追憶道中聞見率賦六首

嘉峪關前夕霧收布隆吉後曉星浮馬毛作雪明千里
龍氣成雲暗一州冰谷對床聲乍噤火山當戶汗仍流
平生每厭塵寰窄天外如今一舉頭

黃羊如織馬如梭託命三更有駱駝關展尾疑通地穴
巨靈手竟握天河松杉倏爾垂行幄螭魅居然避荷戈
行到路岐偏認取卅年前記夢中過

背可施鞍鼻可牽衆生疑鬼亦疑仙地幽古佛皆穿耳

月朔新蟾已抱肩

初一日即見新月

厄魯特魚紅有影俄羅斯

馬白無邊流沙萬里傳書少且續夷堅海外篇

總是非非想處來見聞無用更驚猜人如混沌何嘗鑿

總是非非想處來見聞無用更驚猜人如混沌何嘗鑿
天似鴻濛乍欲開日月偶搏空外影塵沙都認劫前灰
山魘獨足蛇岐首盡咒征夫去不回

烏弋烏孫視陝西九天九地判高低下飄鬼國須浮楫

上瞰神霄若有梯湯谷沸波今未改寒門標柱古誰稽

流聞何止征和碣伊犁相傳有張騫石碣徧訪未之見尚詡倉公四目題

莫笑書生一石弓置身十萬健兒中雲烟氣總歸西海

弧矢音皆中北風跡隸伍符慙百戶階崇都護壓三公

將軍位在蒙古王公上逐臣自問難酬

德且學張騫事鑿空

附題萬里荷戈集諸友人詩以得詩前黃聘三閩縣
後為次

忠言讜論壯朝班能得
君心忽解顏臣罪當誅

寬斧鑕
聖恩過厚賜刀環賈生猶待三年召韓

愈何曾百日還青簡留題光奕奕明良聲問重如山

韋佩金
江都

莫作逐隊鴉百千爲羣散風花須爲鳴岡鳳忠孝會
使文章重投書樞府
帝曰吁容臣愚不殺軀覽

書丙夜
帝曰俞鑒心孤戍名除嘉慶五年閏在

夏擊鼓鼙鼙
詔書下將軍轅門馳匹馬趨跪當

階聽宣赦西海九死臣伏地不起放聲悲堯仁覆載
廣舜哲日月輝遭逢如此隕無恨豈在一人留與歸
作餞不爲君設酒折贈不爲君折柳
聖人解網

作餞不爲君設酒折贈不爲君折柳 聖人解網

羣生宥中外騰頌

主恩厚道旁感嘆泣稽首

陳淮商上

結托十載前已識才如斗何期故鄉人翻遇雪山口

諫艸動萬言樸誠真不朽直有回天力堪稱救世手

鎔經與鑄史莫不欽抱負荷戈來伊江閉門斷詩酒

雷霆間雨露總沐 主恩厚既不受人憐豈肯隨

人走委心任去留東歸瞻馬首煌煌 天語頒一

德洵非偶 以上三人同在伊犁戍所

顧揆金匱

天祿藏書幾費詮逍遙暫作地行仙先憂早裕昇平

業後會都成歡喜緣域外扶輪推大雅馬前揮筆著

新編銘留

御座輝煌甚片札應同刀劍傳

張騫碣下拜

恩殊

聖德如天重碩儒文字

直堪追漢魏遭逢更喜邁韓蘇吟懷朗映三秋月飲

量汪涵萬頃湖他日廬陵訂詩史可容祕演學浮屠

時戊烏魯木齊

楊芳燦 長洲

蘭山話別各傷神浩蕩冰天逐雁臣幸免若盧收杜

眾還愁樂浪竄崔駟孤蹤判作長流客 溫語旋

迴絕塞春開盡桃花消盡雪兩行紅柳送歸人

雞竿

詔向九天頒鄭重

君恩特賜環傳到

好音先破涕懸知小別未催顏朝搜斷碣窮沙磧夜

聽清笳度雪山萬里只如庭戶近駟車聊當採風還

好音先破涕懸知小別未催顏朝投斷碣窮沙積夜
聽清笳度雪山萬里只如庭戶近輅車聊當採風還
上書慷慨豈沽名願效涓埃答 聖明宣室舊曾

徵賈傅讜言今已念班生親知預擬聯裙屐邊徼行
看洗甲兵見買夫須營釣艇滄江穩卧頌昇平

湖山佳處儘相羊蟹舍漁邨認故鄉築室且教泥水

蔽著書合付子孫藏羈魂恐尙依銅柱

溫都斯坦有堯時銅柱相

傳塞外人死者皆歸之如中國之岱宗云歸夢時應到玉堂愧我浮沉銷

志節白頭顏駟乞爲郎

莊 炘 武進

聖主由來宥直臣投荒旋見作歸人重逢隴首飛黃
葉此去江南采白蘋飲酒無多消歲序吟詩何益費

精神扁舟我亦如張翰相訪城東月色新

會 燠 南城

聖主求言量獨宏謗書宣示舉朝驚竟將忠愛憐蘇
軾不許公卿害賈生絕塞烏頭三月白歸裝駝背一
編輕旁觀猶感 君恩重何況親為雪霁行

孫星衍 陽湖

秉燭論心已有期尊前霜鬢認依稀我傷駒隙三年
速君白龍沙萬里歸折檻風流成盛節埋輪心事有
危機曩在山左幾為附不知此後方元白可仗文章
定是非前尊詩有偶讀開成太傅詩七年我亦長微之之作故此句及之

趙懷玉 武進

青楓林外擬招魂此日居然入玉門

詔下已聞

伸士氣身留何以答

君恩可能詩酒捐狂態想見妻孥拭淚痕氛祲未消

雲漢皎

時久旱

幾人封事爲時論

錢伯垞

武進

山峻嶒兮窮劣雪瀾漫兮際天白朝不見日出兮暮

胡然而止息荷戈者誰子度沙漠兮不知其幾萬里

莽寥廓兮寄生死落彼大荒鼠跡牛與羊大府特兀

凌穹蒼旌旗雲日刀劍光將軍使相曰中堂中堂屹

然坐堂皇叱聲階下走小臣帖身受汝何獲罪

聖天子天子宥汝以不死但當蟄伏窮三冬敢

櫻詩酒號寒蟲翰林卑躬執斲役帶刀跨馬前趨風
皇輿隆覆載此日西域界是罪人所徙西盡日所曬
張騫鑿空疑不到鄒衍空談九州外間搜聞見落中
華地志山經補其隘忽然中堂宣拜舞 丹詔煌

煌奉天語賈生仍遣洛陽歸小臣涕泣紛如雨是能
先幾翊萬幾且將座右箴其辭大哉 王言詔中外
八荒共慶天無私昔年身向圖中去關門一閉入朝
天路今日生還作畫看謹誌 君恩不忘處

歷聖相承二百年吾鄉清節幾人賢妙筆生涯拓君
手 畢幼安高士 壯哉斯圖洵不朽

楊峒谷 武進

六合誰能賦千秋，獨占難高岑纜塞。上燕許只臺端，
更闢詩中界，還馳域外觀。書生空胸縮，武士但糾桓。
健者今詞伯，風騷主敦盤。臚雲登上第，起草擬如干。
葑菲辭誠過，芻蕘慮畢殫。無私天鑒近，不殺聖
恩寬。慷慨行何畏，頭顱亦早拚。壯懷輕萬里，祖帳揖
千官。遠戍提長戟，輕裝衣短襦。雄關出嘉峪，中土隔
騰蘭。赤陂陰常燄，平沙井亦眚。大風掀瀆漭，古雪積
噴岬。險阻勞筋骨，荒涼沁肺肝。只疑天欲盡，不道路
猶漫。所仗惟忠信，如飛得羽翰。烏孫傳舊部，虎將築
新壇。乍到名編籍，先驅背負簾。空房鎮宵魅，軍府對
南冠。履尾凶將噬，吞羶強勸餐。愆尤悔山積，感激涕

夏生齋言卷第一
三十
洗瀾舞劍霜華滿聞笳月魄闌敢懷歸井邑長夢侍
金鑿豈料烏頭白真噓黍谷寒炎崑分玉石集泮別
鴉鸞 特旨從原宥危言策治安 賜環裘葛

換匹騎往來單雙足重添趼千山慣據鞏自來原鐵
漢服食謝金丹定遠生仍入終軍吏不攔眼中風景
舊歸後髮膚完慈訓三遷里才名百尺竿胸全羅列
宿腹稍露琅玕威鳳終巢閣孤鴻已漸磐芰荷裁野
服桑梓結清歡庭草觀生意漁磯息怒湍親朋爭問
訊尊酒話團欒佛國追成紀荒經好補刊若非身自
歷誰信語無譎博異前賢少瑰奇後代看惠潮皆內
地小謫笑蘇韓

楊元錫 陽湖

黃沙莽莽無行迹玉堂仙人碧霄謫天山積雪沒馬
蹄一萬里去陽關西長鞭搖搖入雲去繞袖濃雲若
披絮怒龍鬪雷騰半空蒼鶻攫人飛上樹二事皆集
中記所見
一峯行盡復一峯竒句題徧峯峯松松濤嵐翠蕩胸
臆咳唾珠玉隨天風天山盡處軍容重曉謁轅門氣
先竦投筆能教壯士驚請纓都訝文人勇山中魑魅
怒侮人鍵戶瑟縮潛悲辛同時遷客皆開讌問訊爭
來識君面邀月空憐太白杯微吟欲築望鄉臺楓林
青青塞雲黑五更笳管腸千迴殊方寧望生還路玉
門不信春風度一道恩綸天上來萬人感泣成

甘澍羨君出關復入關匹馬仍復過天山峯峯松雲

若相識馬首青山向君揖添得長刀短後衣用集生中句

向玉關吹笛入折檻曾憂直節難賜環旋荷主

恩寬桂叢未老黃華綻待得歸人酌酒看故人握手

驚且喜快讀新詩搔首起天生奇境待奇才抉透靈

光筆端使吾謂才華學問雖絕倫不若獨秉至性歸

貞純機聲燈影少年事比鄰早羨樓頭人君少時隨太夫人

居外家樓上與余比鄰曾作機聲燈影圖萬言伏闕直聲震必于孝

子求忠臣一時風骨如君少孤隼凌秋羽毛矯長安

冠蓋去復來諸君袞袞奚為哉崑崙山高接西極妙

手圖成挂齋壁和君萬里荷戈詩醉卧牕前看山色

莊宇達
陽湖

雨露雷霆次第過閒身始得返山阿故園快把初衣
遂小謫榮於畫錦多寫入丹青傳大漠編成詩卷當
章莪直開遠古鴻濛界那數陰山敕勒歌萬里輪蹄
疲雪窖孤臣心事挽銀河履危欲坦顛輪道出險迴
思灑瀕波噩夢儘教游汗漫壯懷難仗酒消磨請纓
畢竟書生志不是封侯便荷戈

孫韶
上元

身到金鰲最上峯人間還種碧芙蓉三年使節歸雙
闕一疏危言動九重才子文章原慷慨
朝進退自從容抽簪不比長沙謫閒挂仙山綠玉筇

黃郁章 建昌

去歲長安中說經當破屋請業席縱橫過午啜齋粥
仄聞罪言上衆口譁不足晨趨視行李空庭烏啄木
追送踰國門聞已單車促驚沙翳盧溝佇立傷遠目
男兒得罪去身在已爲福不知途路遠寧惜毛髮禿
絕漠事耕種揖讓非殊俗行矣甘白頭飽餒太平粟
而乃 高厚恩矜全 天語獨投荒未百日歸
及塞草綠鼠死固踰分生還竟何速海內幾交游感
嘆同一哭我行到江南問訊屢躑躅昨逢曾大夫示
我書累幅塞外天蒼茫鐙前墨滲漉又見先生筆措
目再三讀定知再造身安心侶樵牧村童及鄰叟招

要趁秋熟嗟余迫行路未共離樽續寄詩隔江湄遠
勝招魂玉

陳文杰 錢唐

青海西頭咽暮笳

詔書萬里許還家行周地角

輕秦隴赦出

天恩陋漢槎小謫夢隨金闕遠生

歸魂悸玉關遮閉門自有名山業珍重文章蔚

國華

陶渙悅 上元

卿月分光照草萊桂花迎客已全開自攜塞北新詩
至爲訪江南舊雨來落紙雲煙多古趣驚人著作本
仙才秣陵佳味尊鱸美好對秋風共舉杯

已治安求益治安賈生獻策瀝忠肝桐孤真比臣心

直海濶何如

帝量寬諫艸傳來荒服遍封章收

上御屏觀

聖朝赦過開言路似此遭逢古亦難

霜冷窮荒草盡斑身騎匹馬出重關獨由絕徼難行

路飽看中原未見山一片丹心昭盛節九重

恩

詔許生還江湖切莫耽閒放轉瞬除書

紫禁頒

積水潭邊荷滿池秋藤花下酒盈卮京華春好詩中

記

悅在京師屢陪
讌集有詩紀事

塞外風寒別後思蘇軾愛

君

青史重朱雲折角

聖人知望公丰采還如舊萬

里行歸鬢未絲

張問陶

遂寧

無詩無酒氣縱橫誰指伊吾問死生萬里風沙悲獨
往舊時李杜愧齊名是非終向平心得毀譽徒勞眾
口爭落日安西凝望遠浮雲難掩故人情此首送出關作
窮荒一夕返驚魂天遣春風度玉門有詔傳觀褒諫
草無人申採見君恩全焚詩筆留心血重製儒
衣想淚痕小別經年歸未晚殘秋高枕夢江邨

徐鏐慶 金匱

才名落拓誤儒冠醉著新書擬治安抗疏已招時輩

忌謂平邪投荒還幸聖恩寬龍沙地古人煙少

虎帳天寒道路難絕塞寄書愁不達朔風涼雪祝加

餐

遭逢 堯舜際昇平忽謾狂譚四座驚甚欲致

君嗟乏術須知涉世忌孤行萬言書本違時用三代

人原戒好名他日 朝廷思汲黯春雲回首鳳皇城

劉嗣綰 武進

一紙書來笑絕纓班超已復動歸程龍鱗肯恕孤臣

死馬角終邀絕塞生天上本無私雨露山中還有舊

柴荆歸時好濯江流足聞道銀河昨洗兵

惠遠城西萬里鞭 主恩到處總如天長沙漫泣

遷來傳太白真呼謫後仙 聖世漁樵原戀闕清

秋蟹稻好歸田登高准脩茱萸酒便有洪厓共拍肩

蔣業晉 吳縣

評評昌言動九霄平生風義士林標羅胸列宿窮三

諤諤昌言動九霄平生風義士林標羅胸列宿窮三

史抗疏孤臣答兩朝荒徼賜環 天子聖家山挂

笏碩人遙好賢不待蒲輪賁有客欣開石室招 謂寧國府

譚君設學仿紫陽書院幣聘相招

汪為霖 如皋

談笑天山匹馬馳讀書不愧是男兒十年我見先生

晚一片心惟 聖主知塞月蒼涼隨遠夢秋笳斷

續入新詩生還復恐除書到未許江干理釣絲

王 豫 丹徒

語罷月沉水江濤忽怒飛不緣 明主詔那許直

臣歸白髮悲青鏡丹心戀紫微 朝廷留正氣吾

道豈終非

荷戈君遣後近覺直言稀

君遣後 上諭廷臣曰自洪某遣戍無以君德民

隱上陳者得毋以洪某為戒乎即下 旨放回

天語真堯舜王心判是非

直教臣節愧不負布衣歸正值憐才日終難卧釣磯

吳嵩梁 建昌

一疏居然動

聖明同時申救少公卿窮荒天許

重磨盾請室心猶望洗兵正氣三更銷鬼燄邊愁萬

里入笳聲孤臣垂死

恩難報不願人傳敢諫名

春風吹入玉門關天上金雞

詔特頒五月雷聲

傾雪水一梯雲影度冰山神魚擁甲隨潮滿龍馬如

人立仗閒留得新詩光萬丈夜郎爭看謫仙還

陳蔚
青陽

侃侃陳詞迴不羣
高岡鳴鳳振朝暉
上書自謂同劉偉
移副何嘗異李雲
此日更生逢聖主
當時欲殺有將軍
荷戈萬里詩篇富
西域江山盡助君

釋清恒
焦山

一棹乘風過海門
千秋事業喜重論
長歌絕塞詩人福
卽而賜刀環聖主
恩不殺真能容直
道忘身始可得危
言而今暫與焦仙
約只恐天書下九
闍

釋達瑛
攝山

目窮西海歸東海
到處名山已盡探
正恐欲問天未

許不妨暫借與茅庵

又以下及門

呂培旌德

古人求忠臣是必于孝子讀書苟有得家國一理耳
先生起孤貧中歲乃筮仕思親不能報盡瘁供職使
詞臣兩抗疏惜不作御史刑官據成律奏上擬殊死
巍巍聖人恩幸免肆都市出門卽荷戈去去行
萬里先生愛遊山崑崙插雲裏先生校輿圖絕域接
天尾何須博望槎海已過安濟長吟猿夜啼慘淡塞
烟起洪河文思濶葱嶺筆峰峙冰雪悟餘光風沙闡
名理盥誦每一過孤懷緬朱李

陳壤青陽

萬里輪臺縹緲間迢迢車馬出秦關探窮星宿源頭

萬里輪臺縹緲間
迢迢車馬出秦關
探窮星宿源頭水
題遍崑崙界外山
諫草至今留御座
詩篇自昔滿人寰
盤根錯節寧無意
大任將肩豈等閒

譚正治
旌德

一片金戈鐵馬場
挺身原不計冰霜
詞臣舊慣鸞坡直
謫吏今趨虎帳旁
萬里外圖時勘校
卅年前夢未荒唐
此行敢爲先生惜
只筭天山債已償

陳塾
青陽

黃沙四起朔風吼
萬仞雪山迎馬首
批鱗不殺投新疆
狂直緣知聖恩厚
書生此去學荷戈
天語傳來誠耽酒
手疏猶縈聖主心
頭顱豈落將

軍手崢嶸壯志銷不得
搖筆精神益抖擻
黃沙青海入唸鞍
毳帳旃牆歸墨藪
嶺海欣逢吏部韓
沅湘快得儀曹柳
百日方周卽賜環
選秀剔奇愁未久
暫從西域歸東海
小挫亦知終大受
君不見丈夫勲業
高星斗豈獨文章
垂不朽

呂璽 旌德

似此遊方壯身危氣不磨
夷堅窮地軸博望溯天河
鳥道千山折龍沙
百日過從今校圖說
時辨古人訛

汪璜 旌德

月朔先舒月一鈎
望鄉客上望鄉樓
投荒漫作中原夢
此是西南天盡頭

夢此是西南天盡頭

莫作烏孫戍卒看十年長見侍人金鑿天山百丈

冰和雪尙念瓊樓玉宇寒

呂偉標 旌德

奇山奇水酷相思勘徧方輿卅載時應恐較圖遺塞

外天教萬里走焉支

中壘文章冠漢京石渠天祿校讎精先生前後相輝

映不愧齋名號更生

于淵 丹徒

昨返南湖棹來尋西海菴

先生昨從洋川書院
回卽至焦山避暑署要隨

雲共宿不與佛同龕蓬島頻年住河源一昔探讀公

詩百首何異啟瑤函

譚時治 旌德

已束傳經帳何期出漢都

歲已未家祖延至書院課經後以入都奔國郵不

果心惟天子諒詩創古人無鏡硯藏行篋關山

入畫圖喜今趨鹿洞一 一指前途

譚貴治 旌德

萬里沙場外孤臣匹馬過死生冰雪裏呵凍尙高歌

探遍天山境詞人幾輩迎生還 恩渥厚足慰著

書情

曹景先 績溪

平生學業尙淹通解詁居然並馬融聚米圖知詳地

域生花筆更奪天工萬言削牘人爭誦 謂征邪 五字

堅城客敢攻文苑儒林兼獨行問誰能繼此宗風

城生花筆更奪天工萬言削牘人爭誦謂征雅疏五字

堅城客敢攻文苑儒林兼獨行問誰能繼此宗風

關化圖書
Kathua library

開化圖書館
Kaikua library

更生齋詩卷第二

陽湖洪亮吉著

百日賜環集

庚申又四月廿七日特奉

恩命釋回感事紀

恩四首

出關無別念止有首叩願何期

聖人恩特敕返鄉縣將軍堦下九叩頭微臣之命天所
留上慙螟蠓下螻蟻百計無能報天地

纍臣七十人臣罪最不赦寧知未旬日先已

詔書下一人泥首百衆隨堦下戴德聲如雷命輕

恩重無所惜挺劍終南殺殘賊

虞翻作逐臣一世未賜環縱有骨肉親不敢期生還

聖恩直與天地參投畀有北仍歸南鶴鷗怪啼魑魅笑

此客入關真再造

五月始生魄送者盈北關捆載戚友書代致閭里間入

關一日走一驛計到江南止三月茲還夢想所不及到

日閉門先感泣

將發伊犁留別諸同人

如天

聖主沛殊恩料理投荒未斷魂一體視猶同赤子十旬

俗已悉烏孫詎留齒髮歸銅柱

西去卽鄂羅斯相傳有唐堯時銅柱上鐫寒門

二字西域人死者魂氣皆真戴頭顱入玉門他日荷耒

俗已悉烏孫詎留齒髮歸銅柱唐去時銅柱上鐫寒門
二字西域人死者魂氣皆歸于此如中國之岱宗云真戴頭顱入玉門他日荷耒
農事了築廬先署海西村

嚴鼓三聲曉漏收將軍營外引纍囚此生不料能歸骨
萬死無言祇叩頭常擬帶刀同佩犢何曾投筆學封侯
渾河橋畔春波闊一輩羈人望未休

別惠遠城

下馬步出城百步屢駐脚長刀短後衣未忍卽拋却
逐客縱已歸猶念未歸客今宵路岐夢分道向南北
瑪瑙斯龍門雷行

雷欲飛出山石忽逼雷住龍神復驅石橫截雷去路龍
施水法雷火攻水影火影懸當空水火燄燭星辰宮忽

然雷奔龍亦走龍旁小龍突張口奪得雷輪大如斗雷
神歸山訴失守

綏來縣

十里一戍樓無異畿緊赤山城忽橫亘云以界西北關
門白鬚吏日昨適上值椽微襄要務奸宄亦專責車旁
勤問訊藉以驗名籍其餘童僕馬無不視清冊長吏出
郭迎吏驚竄無迹招邀驛亭坐先已具朝食官賢誠念
舊一一訊遷客不知經年來添得幾相識離家萬餘里
百事宐自適諄諄意良厚共話移晷刻客去始閉門林
陰正西直

呼圖壁

一日渡百河馬力亦已疲星光瀉空灘懸溜復四飛豈
惟乏纖鱗波急草亦稀渡旁茅屋中燈火已出扉騎馬
入土城夙與仙尉期佇聽鄉井談藉以慰渴饑兼聞徐
南昌時同年徐大令午亦納贖將南歸先時理征衣倘得合伴歸百驛
庶不迷語盡夜已闌當窗警晨雞

二十日抵烏魯木齊那靈阿州守顧挾熊言孔徐午三
大令頻日致餞卽席賦贈三十韻

我爲東海臣罪重謫雪嶺前行望西海祇隔八達頂聞
言潮洶洶已備閩越艇窮商咸裹足此道實荒梗來時
冰萬丈去已孕桃杏投荒雖百日屈指萬千幸纍臣先
未到幕府業奏請

國書三百字引例悉嚴整狂愚乃至此不殺不足警未

到時總統將軍已具清字摺密奏稍蹈故轍卽一面入奏一面正法摩刀營門前到日卽

延頸鼓嚴方喚入長跪氣先屏厲語若震霆官皆上持

梃歸來荒屋下閉戶匿形影時時語僮僕恐不待朝景

皇恩實寬厚往返不俄頃倘非如天德未免汚湯鼎同

官接踵賀喜極代咽哽珍羞羅中丞陳巡撫准方伯邀說餅

歸方伯景照微生仍懼禍觴至代以茗離城三十里馬尚不

敢騁旬時經精河庶獲休要領脫身豺虎穴足甫踏人

境自綏來以東方設郡縣與軍台稍異明明天與日再得見公等前時覆

尊曩前至此斷飲今此復醕酌非云肆荒宴聊記受

恩竝時徐亦奉况聞寬大詔悉欲洗尤眚昨讀諭旨以京師甘霖

所不能赦者遂令九死客一一返鄉井兵先清隴蜀盪

恩竝時徐亦奉況聞寬大詔悉欲洗尤昔以京師甘霖
普徧并赦者遂令九死客一一返鄉井兵先清隴蜀盪
滌到河潁災黎都踊躍羣盜命合併巖廊固無論耕鑿
亦清靜東歸理春田彌覺化日永此意告故人故人應
早省

將至滋泥泉汎雨

未來滋泥泉風色忽十丈南山青數點龍已抉雲上排
頭盡如瓮勢欲穿疊嶂須臾雲腳下牧豎指所向冥濛
半犁雨谿水未及漲洶洶南溝頭牛羊尚奔放沿村拾
新麥打鼓襍俚唱車箱徐徐眠北斗挂客帳

四十里井汎

四十里井間祇有十家住十家汲井過併向麥畦注麥

東生詩卷第二
四
肥如野菽飽食耐征戍耕餘了無事間或插桑苧遂令
半里間夾屋無襍樹南山團作障三面塞去路時有歸
墟人穿雲白如鷺

三臺夜宿

峰巒南北途千曲天半亂霞烘馬足山程九十到未遲
覓得山村最西屋綠莎窗開波影搖酒渴我尚餐山桃
夜闌殘月僅一綫紫燕白鴿爭歸巢

未至吉木薩二里見賽神者絡繹不絕時劉二尹之芳
亦出城相迓因作此以贈

彩旗彩勝從空墮滿屋春人賽神坐賽神已畢跨馬忙
十里紅袖沿春塘城東出城愁不及爭上城樓向西立

十里紅袖沿春塘城東出城愁不及爭上城樓向西立
鐘魚聲中角聲響馬上人皆避官長

廿九日發古城巡撫伊江阿大令阮曙竝馬送至水磨
閣茶話乃別

出城聞泉聲到閣復數里透迤岡四面雲向水中起濛
濛萍藻綠水鳥浴未已曲處響始奔驚流出潭底人栽
沙果好都入北窗裏板屋止兩層高瞻忽迢遞殷勤相
送客門外尚餘幾揮馬去不停林長久延企

奇臺訪同里張縣尉潮海

一刺字半滅長鬚方呶呶縣尉赤足來窺門忽呼號前
月流人來今月流人返

聖恩真如天來去僅旦晚飯我屋正中浴我堂北箱百

斛塵土盡陡然餘清涼主人雖至誠留客已不及三更
出東城持燈上車急

道白山口取小南路往哈密

一山傾欹一山斷宛轉前行入螺旋山頭雲氣復四飛
人行忽如蝨綴衣行完百里無一家荒索并乏棲林鴉

黃羊上嶺客登樹相望遙遙徹天曙

是夕人馬依
高樹下宿

道中遇大風避入山穴半晌乃定

白山之東絕椽瓦間有土房人亦寡雲光裏地亦裏天
風力飛人復飛馬馬驚人哭拚作泥吹至天半仍分飛
一更風頽樵者喚人落山頭馬山半

將至七箇井宿

日脚欲下雨脚酣半嶺草色同江南山坳一道去如綫

日脚欲下雨脚酣半嶺草色同江南山坳一道去如綫
卅里外人皆覲面霞光天半色若頽新月竟與斜陽爭
星光延回日光暝一道彩雲生斗柄

朝發七箇井雨

初陽甫出山絕壁忽挂雨馬行益奮迅踏破雲萬縷濛
濛戈壁暗行及卅里許我僕穿徑來提壺挈筐筥陰厓
巢老鶻猛志欲攫取征人思暫停我意仍未許空翠落
不完欣同僕夫語

初四日至節節草店露宿

新雨乍傾飛瀑溜一尺水深疲馬瘦雙鞭齊舉馬忽騰
傾刻已過坡三層駝蹄峰前祇一家新月欲出峰攔遮

車箱兀坐夜忘永腐齒猶能截堅餅

早行四十里至一間房小憇

大風搖天山旬日不出屋茅舍縱一間寥寥雞犬足昨
宵天始霽雞犬屋頭宿尤欣飛溜急潭水綠如玉心空
聊酌水小坐傍車軸亭午尚一程搖鞭出林曲

瞭臺三老柳行

自根及頂僅二尋老榦橫披忽千丈枝梢幸遇坡佗轉
不爾居然勢奔放驅車覓路尤盤曲騎馬入林時俯仰
風飄羊角忽迅厲枝撼鵲巢頻震盪排空欲攫雷電影
入暝爭言鬼神狀土人所言如此清泉竟爾流根窟飛瀑無端
挂枝上半晴半雨勢乍分一榦一枝形不讓近看十戶

民居繞遠與萬株松翠抗鍊形或是倚丹井相近有挺

挂枝上半晴半雨勢乍分一榦一枝形不讓近看十戶

民居繞遠與萬株松翠抗鍊形或是倚丹井相近有丹井挺

榦終須抉青嶂距村十里復掉頭攔路青葱尚堪望

至蠟子泉雨驟大

戈壁無端雨先愁急溜衝電低偏嚇馬雲薄不藏龍躑

躑千盤磴低迷萬樹松時南山口尚在望前行及山寺剛打午

時鐘

宿沙棗泉

伊犁三月三哈密六月六風日固自佳其奈客幽獨今

宵宿沙棗馬病擾心曲時一馬中暑病五日不食矣揮扇急出門臨

流看飛瀑林長久延佇石喜可容足鴉巢厭人影月出

競相逐雙燕獨有情更殘導歸宿

余發伊犁日理事同知哈豐阿贈一白馬性極馴謹行
抵白山改道由小南路馬忽中暑五日不食至三堡
汛勢垂斃矣詢于逆旅主人主人以爲尚可救余卽
留以贈之并作一詩寄意

視爾如新僕相期返故鄉艱難同所歷寒暑忽違常魂
豈招中野年疑等下殤頻行亦何意偏一傍車箱

自三堡至頭堡一路見刈麥者不絕

多回部所種土人呼回部爲纏頭

三堡至頭堡畝畝麥新刈咸攜薄笨車往返數難記伊
吾節候晚已及三夏季纏頭何辛勤風雨所不避全家
挈筐榼兒女在旁戲一歲祇一收倉箱已云備窮荒無
天時祇復收地利今看戈壁外沃壤庶無弃尚書膺大

任本裕經國計時覺羅長麟秦隴多流民移來就邊地

天時祇復收地利今看戈壁外沃壤庶無弃尚書膺大

任本裕經國計時覺羅長麟為甘陝總督秦隴多流民移來就邊地

那教近又滋擾秦隴一帶并突至靜寧安定間

抵哈密日誠毅伯伍彌烏遜招飯署東蔬香圃

屋中書繞屋堂下水周堂清絕無餘事時聞薜荔香

昔聞東陵侯今見安山伯皆種五色瓜偏能餉行客

蔬圃雖一隅百種花皆具成團胡蝶來成團胡蝶去

相公真蓋臣侯為大學士伍彌秦子司馬習邊事哈密土魯番十

年勞卧治

長流水題壁

短流頭長流頭長流水流不休黃蘆關格子墩二百里

無軍屯黃塵燒赤日炙聲如雷裂山石

自哈密至苦水鋪作

兩車一馬裝亦華後乘滿載敦煌瓜一旬戈壁苦無食
幸與瓜時適相值日昨長流河今日苦水泉不復置茗
椀惟應進瓜盤兩旬遙遙入關口縱剩數瓜當亦朽卽
以車藏酒泉酒

十三夜三鼓抵星星峽

天上星白皚皚地上星黑纍纍星星峽中十五夜天星
地星光激射一屋皆支一星罅須臾天晦地忽明地星
却比天星青北斗黯黯雞初鳴聲三號眠一眨炎炎火
星星峽

月夜自馬連井至大泉

入夜程偏好微茫大小泉鵲巢雲外突馬影月中圓達

入夜程偏好微茫大小泉鵲巢雲外笑馬影月中圓
達板驚斜下征車偶倒懸林稍瞭房近已有角聲傳

度赤金峽

茲山多赤雲石石悉靈異冥濛當月午寶氣燭天地
丹砂亘南北碧澗分巨細絕頂闢石房玲瓏逼天際
青羊及馴鵲一一向空睇稍南盤一徑石古路如砌
森森女媧廟客戶競私祭兒童聚鄉塾師出盡兒戲
黯黯神燭昏脂車作行計回坡何襍沓足滑沙石膩
出峽月已高驚聞鼓聲沸是夕村人賽神

入嘉峪關

瀚海亦已窮關門忽高矗風沙東南驅到此勢已縮候

門餘數騎駿足植如木風遞管鑰聲巖扃忽然拓城垣
金碧麗始見瓦作屋羌回分畛域中外此樞軸曉日上
北樓長城莽遙矚平衢馳若砥雪嶺俯如伏天形界西
域地勢極南服數折向郭東泉清手堪掬尤慙關令尹
來往餉芻牧駐馬官道旁生還慶僮僕

示關吏

詔許南回理釣磯寄聲關吏莫訶幾書生萬里歸裝內
添得長刀短後衣

涼州城南與天山別放歌

去亦一萬里來亦一萬里石交止有祁連山相送遙遙
不能已昨年荷戈來行自天山頭天山送我出關去直

不能已昨年荷戈來行自天山頭天山送我出關去直
至瀚海道盡黃河流今年
賜敕回發自天山尾天山送我復入關却駐姑臧城南
白雲裏天山之長亦如天日月出沒相回環朝依山行
暮山宿萬里不越山之彎松明照徹伊吾左隆冬遠藉
天山火安西雨汗揮不停酷暑復賴天山冰天山天山
與我有夙因怪底昔昔飛夢曾相親但不知千松萬松
誰一樹是我當時置身處茲來天山樓欲與天山別天
山黯黯色亦愁六月猶飛古時雪古時雪著今楊柳雪
色迷人滯杯酒明朝北山之北望南山我欲客夢飛去
仍飛還

古浪縣七夕

古浪縣邊逢七夕天河橋外說雙星夜深偶憶小兒女
遮夢遠山無數青

昨來三伏差快意飽啖甘瓜過肅州留得一枚如碩果
夜涼聊與薦牽牛

過枝陽渡

危樓在天上天半一橋橫清絕枝陽渡平番只半程
水如天上來欲冒四山出四山如覆釜東北口微缺

自武勝驛抵平番

萬重山險忽已收又轉百曲羊腸溝前行正愁途愈窄
對面乃復來車牛馬行攢蹄牛怒目百計方能挽牛足
牛人咨嗟馬夫歎半日誤程時已宴南行噪鵲北喚鳩

晴雨亦如風馬牛

客歲在請室中崔大令景儼頻入問訊就道時又送我
獨遠今歲余奉

恩命釋回大令適官蘭州先飛札道中急待把晤因
率占一律以寄

纔辭獄吏仍低首乍見交親卽解顏杜甫預悲成死別

虞翻偏幸得生還含辛客路犇馳速旁午軍情措置艱

崔時理軍爲我急沽棗落酒與君先話祝期山
需總局

山

十五日過車道嶺時尚留一巨瓜因分餉僮僕及同行

伴侶并以瓜皮飼馬

西域餘一瓜剖餉及童馭瓜皮兼餉馬人畜皆悅豫
征車方下嶺雲已沒車轍風向西北來天空雨絲白

荅楊文學琴

我前訪子梁溪北鯉魚如龍相對食昨君覓我黃河邊
北風如虎吹出關出關入關止三月意外訪君君不測
君前寄我詩一篇令我回環誦難綴君今五十道在躬
遊歷幕府寧終窮布衣欲作車丞相文教先布船司空
我今欲行爲子留攜手且上黃河樓黃河洶洶欲歸海
我屬河流少相待海上先人敝廬在
七月杪道出西安費大令濬邀集同里二十餘人宴我
于署齋之海棠小舫卽席賦謝

短衣昨日過咸陽故舊都憐鬢髮蒼赤汗馬驚來異域

于署齋之海棠小舫卽席賦謝

短衣昨日過咸陽故舊都憐鬢髮蒼赤汗馬驚來異域

余乘一大宛馬入關

是日贈莊刺史所

素心人喜盡同鄉尊羹鱸膾秋皆

具是日饌

雪窖冰天夢未忘蘇武廿年臣百日

坐中客以蘇武

牧羊圖感

恩真欲罄千觴

八月十五夜中牟旅次邀李巡檢宐春及逆旅主人共

飲待月作

李自甘肅解餽回

居然一斗鄭州酒復有雙尾滎陽魚秣陵醉尉興不淺

逆旅主者言非迂秋花叢叢入檐隙眉上都飛一輪月

回汀風勢疾轉徐出水月光凹復笑酒行干巡客將起

頭上玉簫吹不已主人長嘯客亦呼秋燕驚飛鵲巢裏

官漏亦已絕車鐸又復喧明晨醉眼上鐵塔飽看萬筆

揮如椽

時值秋試

十六日抵祥符與蔣表弟青曜話舊

十年又向祥符過把臂故人無一個祇餘髯蔣住北頭

貧病亦憐豪氣挫我行萬里歷七州腹痛屢過元規樓

昔遊西安開封皆依畢尚書節署

主人蛻去巢已毀我正荷戟天西頭

前遊轉悔耽書誤風月梁園等閑度

嚴長明徐堅王復邵

晉約客頻只我書堂日扃戶此時豪興忽復來無意更

上城南臺土街嘈襍棚巷窄且擇隙地同徘徊三更開

筵四更歇望後清涼一輪月與君歷落論盛衰逐客亦

厭遊天涯

十八日杞縣東郭阻雨

兩日兩夕秋雨大杞縣東頭不能過疲羸顛蹶泥土中
油衣不完油轎破水深一尺村農喜東陌西阡麥苗起
鄙人拚得三日留只恐灌頂黃河流

商丘作

三日愁霖大黃河欲倒流魚蝦成水市鶯鴨占城樓久

戍兵纔返

時守兵半隨巡撫守盧氏

經時麥未收儒生半投筆

土人云今

歲應試者最少

爭欲事兜牟

廿三日將至江南境大雨

堪憐海西客纔聽江南雨迢迢萬里來海西十日五雨
行何稽八窗檐漏無時歇寒甚燭光青欲裂愁中淮岸

三尺風夢裏天山萬年雪

過宿州

鶉鴣聲裏轉西風秋色江南倍不同
夢醒鄉心覺棖觸
瓜花黃過宿州東

宿州東阻雨

州南飛鷺絲州北富葑草茫茫葑草高逾屋
白鷺絲多部民少州城正當決口衝三板不沒天
回風扶攜老幼向何處江北民戶逃江東高田
出水會無幾却慮河流更東徙河魚驕盛不畏人
白日城墻曝腮尾東西路斷已經月門外水泥皆尺
一投荒客到且不愁飽飯魚蝦待晴日

道中無事偶作論詩截句二十首

偶然落墨竝天真前有寧人後野人金石氣同薑桂氣
始知天壤兩遺民

早年壇坫各相期江左三家識力齊山上蘼蕪時感泣

息夫人勝夏王姬

謂吳祭酒偉業為江左三家之一

筆底居然絕點塵卅年大雅藉扶輪爭傳北宋南施好
恰與邊徐作替人

蠶尾山人絕世姿聆音先已辨妍媸何應一代才名盛

只辨唐臨晉帖詩

王尚書士正

藥亭獨漉許相參唵苦時同佛一龕尚得昔賢雄直氣
嶺南猶似勝江南

只辦人間時世粧名姝未稱古衣裳查編修不凡作事

惟龍子拍手先驚斛律光陳檢討

校刊存疑信可嗤近人刻吳天章集于疑後先相距不

多時名家往往無全集贏得人傳選本詩謂吳雯康

窘于篇幅師王孟略具才情仿陸蘇學古未成留偽體

半生益覺賞心孤

晚宗北宋幼初唐不及詞名獨擅場辛苦謝家雙燕子

一生何事傍門墻朱檢討

茶烟縷縷出山厨遼左名家竝不如一事枉拋心力苦

欲將尚史比藏書牙青山

長慶老郎人不識開元宰相帝先知試看甲秀樓頭句

長慶老郎人不識開元宰相帝先知試看甲秀樓頭句

不愧名同諸葛祠鄂文端爾泰有紀功鐵柱在貴陽府南門外其旁有祠傍諸葛忠武享堂

亦名丞相祠堂

近來浙派入人深樊榭家家欲鑄金何似耕餘老居士

百篇猶有古遺音謂鄭孝廉世元著有耕餘集

遊戲詩應歸苦海性靈句實逼香山同時老輩猶難及

只許錢程伯仲間袁大令枚錢侍郎載程編修晉芳

四十九年前一日世間原未有斯人此二句阿文成相桂五十自壽詩

公奇句誰能敵祇覺英雄面目真

雲谿南北兩詩人黃景仁追楊起文不以烟霞蓋簪笏

尚書亦足張吾軍錢文敏維城

鬼簿算經雖作俑王楊盧駱信難訶近來海內詩家少

一牛人誇記誦多

氣粗語大定何如百輩先慚筆力輸各有醇疵不相掩

弁山前後兩尚書

謂畢宮保詩集才氣橫逸絕似前明王尚書世貞

虞山文筆比詩工

邵編修齊燾

一卷齊梁體格同贊善

鄭贊善虎

文學韓王

王方伯大岳

學杜愛才兼有古人風

描頭畫足高東井

高孝廉文照

盪魄回腸瞿叔遊

瞿主簿華

都遜

上虞張處士每誇醉列月氏頭

張處士鳳翔上三人皆同余在安徽學使朱學

士筠署內張有詠西瓜燈詩內一聯云藍團盧杞臉醉列月氏頭

祇覺時流好尚偏并將考證入詩篇美人香艸都刪却

長短皆摩擊壤編

將至固鎮

平岡方縱眺烟水忽無涯
一道黃蘆港都成白鷺家
竹房經雨壞漁網帶風斜
問路偏難準蒼茫十里賒
過臨淮關憶亡友黃二景仁

及到淮南路尋思三十年
夜窗書共讀吟舫客如仙
癖更誰能解貧仍不受憐
傷心黃叔度泉下已高眠
過滁州憶亡友朱訓導沛

所交盈海內誰可作人師
只有朱居士無慙元紫芝
百篇于道近七十八官遲
腸斷西岡路瀕行手重持

自浦口放舟至觀音門

且展篷窗緩舉杯蒲帆百尺水
鳴雷不妨東海波臣笑
逐客新從西海來

燕子磯守風

陸程何其長一百二十日方買一葉舟風急檣又折空
灘一步不可移烏鵲亦向西南飛蘆花白處雲氣黑坐
看日腳平沈西逐臣自分于天譴萬死南回尚難免何
堪十日五駐程風伯雨師頻致餞柁樓攤書讀不休飽
飯更上空王樓浮生過眼行可歎沿江纍纍石俱爛

抵家

鄰舍墻頭望親朋戶外呼生還亦何樂聊足慰妻孥
雪窖冰天歸戍客瓊樓玉宇謫仙人人生還檢點從前事
五十年如夢裏身

趙兵備翼以長篇題余出塞詩後報謝二首

四岳三塗力不支，避公海外去吟詩。惟餘日月同中土，不覺鴻濛是昔時。山鬼憤覘人動息，天龍爭共馬奔馳。歸裝正苦無奇句，辜負先生弁首詞。

老結雲谿宋莫鄰，詞場官局幾番新。七千里外尋陳語，

君前任貴西兵備及余視學此省已十四科中認後塵

距二十年尚于行部時見君吟詠。雪舫正堪談往事，雲山難得共閑身。玉堂此度真天上，

公作邊臣我逐臣。

附原贈作

趙翼

人間第一最奇景，必待第一奇才領。渾沌倘無人可鑿，不妨終古懵不醒。中原一片好景光，發泄已盡周漢唐。所未泄者蠻獠窟，天遣李白流夜郎。又教子瞻

渡瓊海總爲僞昧開天荒伊犁城在西北極比似炎
徼更遠僻烏孫故地羶裘鄉睢哇何會讀倉頡近年
始入坤輿圖去者無非罪人謫一聞嚴譴當出關如
赴鬼門淚流赤豈知天固不輕與若輩紛紛何足數
要等風騷絕代人來絢鴻濛舊風土稚存先生今李
蘇狂言應受櫻鱗誅熱鐵在頸赦不殺廣柳車送充
囚徒天公見之拍手笑待子久矣子纔到鍾儀故是
操南音斛律何妨歌北調從此天山雪嶺間神馬尻
輿恣吟眺

國家開疆萬餘里竟似爲君拓詩料卽今一卷荷戈
詩已如禹鼎鑄魑魍狂風捲石落半嶺堅冰鑿梯通

九達人驚鷓鴣撲抱頭竄雷法龍門飛輪馳生羌變燼

詩已如禹鼎鑄魑魅狂風捲石落半嶺堅冰鑿梯通

九遠人驚鷓撲抱頭竄雷怯龍門飛輪馳生羌變驢

或剩腿降夷化魚皆遊屍皆詩中所記隨手拈作錦囊句

諾臯狹陋寧須支翻嫌

賜環太草草令威百日歸華表倘更留君一二年北

荒經定增搜考憶君唯恐君歸遲愛君轉恨君歸早

歸里後案頭見友人問訊書積已盈寸作此奉答

南歸真復對妻孥更訪黃公舊酒壚絕域先傳界豺虎

故鄉曾否見鴟鵂山海經鴟鵂見城郭則其國有放士傷離罷種文無草

避毒誰攜押不蘆時有友人索阿魏等藥故及之好語海濱垂釣侶鮫

人休更淚成珠

余文學彫畫山水竹石幅見貽作此報謝

千山萬山客始還無夢不與山相關忽然一客款門至
贈我百尺山彎環危墻陰陰日光縮復有三竿五竿竹
故人此意良獨殷以竹以山娛宋莫故人昔日知名早
下筆萬言超意表賣文不活方賣畫賣畫纔供一家飽
憶君更憶君茅堂亦有怪石兼修篁茅堂東邊襍雲樹
我昔曾從畫中住腹痛鄭公門外路

君尊人余受經師也

答友人問近狀三首

自從伊江歸閉戶不敢出惜無先世田可以給晨夕中
年一哀樂并力事撰述茅廬枕江汜日起掃一室蕭閒
無客至時復理卷帙庶幾能備書八口仰以活
一兒初計偕一兒未離塾呼僮拾墮薪庶可佐宵讀其

一兒初計偕一兒未離塾呼僮拾墮薪庶可佐宵讀其
餘孫與子襁褓尚善哭梨桃雖未競時欲索餽粥昨來
山中友約我種黃獨善卷山地美歲歲少荒熟吾將攜
長鑿畢命此山谷

昨來方閒居老僕忽窺牖貽我尺素書言來自江口側
聞雲霄客念及耕釣叟飢寒門內事詎足累交友幸茲
中歲後神智未衰醜奇書倘編校事或需下走吾雖乏
三長一得庠時有囊錢與束脯計功良可受

立春前一日出郊訪迎春堂故址因遇園叟均祥話舊

均祥余
乳媪子

四十一年上袁翁挈家孫來從太平寺閒訪小東門野
鳥顏寧識堂獅劣尚存惟應灌園叟猶認乍歸魂

兕觥還趙歌爲趙大令貴覽賦

神廟嗣立當冲年方禮師傅開經筵忽然宰相報父死
據政乃不思歸田編修吳中行檢討趙用賢詞垣本乏
諫諍責抗疏反在臺臣先二公不死實天幸血肉狼籍
彤廷前此時英英許文穆獨執兕觥行且哭同官餞別
事亦常正氣稜稜挽朝局君不見救朱雲辛慶忌救陽
城張萬福武臣何忠諍文臣反瑟縮差強人意惟許公
稍爲儒生洗慙辱此觥閱歲二百餘如璧歸趙盟無渝
我作兕觥歌淚若綆貫珠忤宰相者罪瀕死忤

聖主者當何如始知吾

皇聖德古所無歐刀在頸赦不誅僅使萬里行長途樞

皇聖德古所無歐刀在頸赦不誅僅使萬里行長途樞

庭昨忽下急符絕域已把流人呼小臣萬死不蔽辜乃
復荷此天高地厚

恩施殊我欲借兕觥獻觴于

九重并爲千古萬古臣子勸曷不肝腦塗地歸命于蒼
穹君不見以今視昔何不同堯舜之主臣偏逢漢文宋
哲尚爾遠不及何況明代末葉之神宗嗚呼曷不肝腦
塗地歸命于蒼穹

劉舍人召揚白山左寄示潘文學夢陽驛柳詩四首并
約同作因愬粹賦此卽寄文學

萬緣濛濛夾去津鞭絲影裏柳絲勻何曾肯縮手回別
只解平飛十丈塵地近紅心愁成馬天留青眼閱勞人

春明門外重分手，一度相看一愴神。

半生蹤跡共榮枯，記得迢遙往事無。
李白舊曾傷遠道，楊朱今與泣岐途。
秋期黯黯金風透，春路茫茫玉雪鋪。
擬向下河亭長說流年，真欲寫成圖。

憶其柔條賦遠征，出門西望迥含情。
萬株密蔭長楊館，一逕斜穿細柳營。
馳道舊聞通候火，捷書先喜報銷兵。
風光畢竟秦中好，走馬來聽谷口鶯。

和烟和雨一絲絲，三復君家憔悴詞。
絕憶戍樓勞遠望，

前歲余遣戍時君適在都下送
我獨遠并傾囊中裝相贈別
幾曾驛使寄相思，愁生

王粲南登道，君時卽南歸話到桓公北。
伐時惆悵玉門千萬

里含情頻折最高枝。

小除日卷施閣祭詩作

不意茅齋內居然拓八窗源
曾探西海派尚憶長江逐
客形非獨寒梅影亦雙百壺
聊自慰淺醉對銀缸

開化圖書
Kachua Lib

開化圖書館

Kaishua library

更生齋詩卷第三

陽湖洪亮吉著

山椒避暑集

辛酉正月二日步至前橋村上冢兼至大姊宅久憇
我行八九里筋力喜尚強前抵松栢林連廛眺層岡步
緊不敢舒先世之所藏何意俯仰間愛弟亦在旁攀條
泣然悲我鬢久已蒼地下骨肉多會面庶久長半里謁
姊居迎門慶扶將亦有容忝居闔戶羅酒漿三田昨大
收已穀一歲糧我謂隙地多代補幾樹桑却待菜作花
還來啜新黃

天寧寺僧借月兩以詩見投戲得八百二十字報之

我性不佞佛而喜方外交苦憶揚州僧八旬名誦苔西
山有顛禪神理亦復超不語已九年見客兩手招今爲
謫吏歸偶詣知客寮聞有借月僧形癯事推敲爲爾攜
蠟屐爲爾經谿橋爾從百僧中揖我坐砌坳我于儔類
間望爾成詩豪我我吳宮樓肖爾詩筆高迢迢西蠡河
似爾詩致遙不然艤舟亭綠水可半篙與子攜竹鑪悠
悠泛輕橈不然紅梅閣絳葢已半飄與子學坐忘沉沉
爇香茅否則樓三層夜半禮絳霄否則塔七級凌晨歷
高標猶勝居一菴時時坐團蕉蒲牢吼五更木魚響終
朝禮佛佛不知泥塑而木雕頃佛佛不鷹唇乾而口焦
窮老盡氣時生趣總不聊不聞金剛禪能拒鬼伯邀不

聞大乘經能使罪孽消地人歎八珍爾蜀食一瓢也人

窮老盡氣時生趣總不聊不聞金剛禪能拒鬼伯邀不

聞大乘經能使罪孽消他人飫八珍爾獨食一瓢他人
襲重茵爾僅絮一條趨承衆檀那世故仍膠膠經營伊
蒲餐歲儉猶嗷嗷不知天生人洪鑪鼓鴻毛天無所容
心人何必太勞我得定命丹非世所及料生老與病死
安坐任所遭不知人在世蟣蝨處縕袍附身身不知偶
或相爬搔我得養生法身外一切拋雞豬與蔥蒜遇便
卽飽饜結習苟未忘間或追風騷我唱子必和我歌子
其謠三百六十日往往忘昏朝一十二萬年茫茫齊壽
夭縱有甲子期何必詢大撓似聞三神山亦已沉六鼇
羣靈無所歸空中任翔翱誰向足底過不士嗤盧敖生
生遞銷除物物難堅牢惟有行樂方可解末俗嘲麴生

時時來向我屢折腰醉鄉何其寬一世皆并包炎精貢
火梨金母致木桃灤河鹿重胎淮浦蟹兩螯流沙割么
鳳窟水烹文鱉芸芳出陽華桂樹生招搖閩中紅荔支
涼土黃葡萄南州設寒具北地致冷淘妖姬萼綠華童
真王子喬爲我彈素琴爲我吹玉簫湘靈鼓瑤瑟洛浦
鏗雲璈或欲赤雙足或復垂雙髻翩翩有光施裊裊難
摩揣醉飽爲語言古欲過卦爻縑鋪三百軸軸軸鮫人
綃文簫與采鸞爲我玉手鈔醉呼日月星啜我醅與糟
狂叱江海流變作醇與醪子其從我遊飄飄復飄飄庶
幾末路惺不爲異說淆彼教倘有人卽以子作招仍煩
走諸方一一呼其曹或歸士與農或混漁與樵同祈享

走諸方一一呼其曹或歸士與農或混漁與樵同祈享

昇平各復修宗祧充腸苦壅鹽潤之以脂膏章身厭袈
袈束之以紳條郁郁梅檀香化作蘭與椒森森旛幢林
化作旌與旄所得如邱山所失無纖毫一炬尚可收無
待原火燎一派尚可挽無待洪流漂我為子作詩非徒
逞喧囂冀子鑒苦心中道回風颯戒衣既已穿華髮亦
已彫生既不可恃死亦不必逃我言既諄諄我醉仍陶

陶

過祥源觀訪陳刺史明善

故人近住祥源觀老友時過楊陟庭謂楊刺史準待北

河春水發墅橋安穩共揚舩時約遊

十四夜同人至各廟觀燈棚歸路過白雲谿步月

青牛老子廟白馬社公祠古屋門齊敞疎燈架已支凍
梅纔放後春月正圓時却向雲谿步無嫌夜漏遲

辛酉元夕燈詞十首

百串歌珠百串燈綠楊枝外九龍升商量踏徧城東路
先把浮屠七級登

更闌女伴各招邀八字尖西巷數條走得三橋更思五
迎春橋轉玉梅橋

撥灰誰復認前塵被酒黃墟屢欠伸只有溪童偏識姓
廿三年上喚舟人

今宵無月有疎星僻巷行來草乍青挈得蔣三茶話去
洗心池上小方亭

燭龍七節影俱無空有那邗溪似畫圖却約十番諸子弟

燭龍七節影俱無空有邗溪似畫圖却約十番諸子弟
孫家廳北戲於菟

夜久頻將玉笛催白雲尖上冷徘徊谿流到此先嗚咽
不見紅窗四扇開

轉憶輪臺樂事紆蠻姬十隊合吹竽三更人馬皆同色
杏子紅衫汗血駒

一條春港乍冰開艇子如風去復來看盡廟燈三十架
所思不到雨偏來

兩邊簾幕影參差方玉堂西月午時只向最無人處走
芒屨先踏晏公祠

日日衙齋燈火盈一樓絲竹慶昇平人生只有鄉園樂

萬里孤臣夢尚驚

積雨簡趙兵備翼

三月不雨當如何內河水涸連外河吳船寸步行不過

斷港日日挑泥螺忽然一雨即五日怒雷聲聲喧不歇

人言未蟄先啓蟄一百廿日晴晝失西鄰翁歌苦寒昨見

示苦寒歌束手三日書難觀東鄰叟歌苦雨隔巷招邀期亦

阻皇天有意寬災黎米價不復能居奇昨朝三十今廿

五只有菜把仍拖泥米價稍平惟蔬價甚昂市沽常襍泥出鬻君不見龍嘴

灘帆盡走豬婆灘停不久銜尾糧船出京口

雨中得莊刺史所榆林寄書言甘陝盜賊已盡喜而有

作

閉門六晝雨如塵狂鄰江南乍好春只有蟲書消永日

閉門六晝雨如塵枉却江南乍好春只有蟲書消永日
愁無蠟屐走西鄰茅齋伴客餐乾糗竈屋呼童爆溼薪
稍喜八行來遠道早聞盜賊靖三秦

廿四午後暫晴翌日復有雨意再東趙兵備

乞得田間自在身課晴課雨閱昏晨天山尚夢三時雪
人海初平十丈塵浪說戈頭能浙米幾曾釜底乞分薪
燒燈市外雲如墨辜負風光過早春

東西街近屢經過各有門迎八字河此客半千殊未敵

買糶百萬不爲多書生絕檄曾磨盾

先生曾奉命參
傳文忠公征緬甸

軍逐客新疆偶荷戈咫尺五湖烟水闊得閒休負釣魚

策

二月二日獨行至城東北謁土神祠幾徧回途至玉梅

橋觀社火作二首

巷南行已徧巷北此重經一陣社公雨三層雲母屏水
心初漾白柳眼乍回青絕憶年時事斜橋且暫停

土風今已變社日勝元宵草綠烏衣巷花明朱雀橋滿

堤喧畫鼓隔院喚錫簫聊復行歌去城東有酒標

花朝日乍晴邀諸同人各攜一壺一榼至橫舟亭小飲

乘月乃歸卽席成長句一首

檐漏乍歇谿風清天放一角東南晴同人宿約竟思踐
十里五里同遊行橫舟亭枕大河側五兩往往衝簾旌
布帆樓外出無數去者如送來如迎辛夷纔放梅未落

牆角老杏先敷榮風光好處一亭嵌綠柳裊裊空中縈

布帆樓外出無數去者如送來如迎辛夷纔放梅未落

墻角老杏先敷榮風光好處一亭嵌綠柳裊裊空中縈
與花對面設高座雄談四出聽者驚烹蔬各復出新意
洗盞未了仍飛觥沉思往事亦何幸昨歲此日烏孫城
磨刀置頸久乃釋賜以區脫全餘生豈知此日對花飲
座上八客皆知名溪光簾影恍如昨一一逞態來檐楹
諸公莫更堅拇陣頭上怪石危將傾喧聲入樹鳥巢動
老鶻突出筵前鳴酒酣各復繞廊步衫袖拂處香何清
臨河亭子闊丈五玦月未出波先明嫣然修竹靜如笑
似與花朶爭高擎嘿攜一盞向何處苔滑石洞穿崢嶸
祝花生日并自壽笑我一往饒深情髯翁去後七百載
或者海外仍騎鯨不然卽跨赤壁霍落落游戲歸蓬瀛

文章在世匪偶爾動與氣數關虛盈矧公大節越流輩
詎止洛蜀稱耆英零篇斷簡映天地文采縱落留精誠
此詩此筆復繙讀代有作者誰能爭卽如硯池祇一泓
墨瀋尚在光晶瑩餘波沾溉及一世清亦可濯塵中纓
眼前樂事最難得何必擊筑兼吹笙君不見仙亦不羨
茅初成幻亦不學王方平五侯鯖復懶八口狎客詎識
樓君卿關心別有一二事梁上語燕林間鶯商量桃李
及時放牡丹勺藥況已萌山陰清酒京口釀誰其爲我
儲百爨此生萬事不可料未審明歲將何營興闢一笑
出門去攔客花影偏縱橫

十三日同人復約至趙恭毅祠看杏花回飲蔣太守熊

十三日同人復約至趙恭毅祠看杏花回飲蔣太守熊

昌宅賞玉蘭花作

五更枕上聞剝啄瘦僕排門徑相速為言紅杏開半株
 恭毅祠西一間屋江鄉又饋刀鯽至驚筍出籬剛一束
 眼前光景期不負遠拉髯吳俊臣及癯陸伯才南華先
 生有加饌出水鱖鯪悍雙目頰州食指久已動有客樽
 前避醜毒厨娘洗手緩烹飪脇若凝脂肪如玉其餘蔬
 果七八種糟漉蟹螯鹽漬肉吾徒寧僅事口腹冀欲昨
 詩今夜讀况聞阿買近已殤謂蔣驥昌通判昨殤一孫約至西齋慰
 歌哭荒廳留客談益縱茶味方回酒剛熟雜僧又復攜
 花至七尺亭亭樹如沐為花位置久乃妥徑把墻西古
 苔廟旁栽修竹或四五白璧終須伴蒼葢主人意欲傾

家釀一斗初完百壺續參軍觴政束溼薪作吏極良糾
則酷淋漓百盞急思避口令瀾翻及詞曲雖然盤樂亦
當戒雅興何須十分足半圭春月縱未墮已換兩番銀
蠟燭歸途南北更握手天外濛濛柳絲綠青錢三百倘
復羸明日定來看覆局

時太守與兩吳君角棋互有勝負

十五夜獨至雲谿步月

燕後花前春好鷗邊竹外樓高黃舒新柳一搦綠響回
波半篙

可惜舊時風月都銷一徑雲烟倪姬閣仍臨水

即響齋倪宅

王家艇在誰邊

舊雲溪有渡舟篙師名王太年

十七日趙兵備翼蔣少府廷曜疊邀賞山查及杏花溥

十七日趙兵備翼蔣少府延躍疊邀賞山查及杏花薄

晚歸看燈作

山查花紅杏花白兩地賞花日已夕寬衣側帽行水東
却好徑側來和風趙家茶花甲城郭赤繖當空日華薄
蔣家文杏種亦殊昔時一株今兩株闌干影裏分南北
花上晚霞皆五色春花艷極乃不香祇以顏色酣春光
風光只有花朝好燕剪乍來蜂尚少兩家觴客酒百壺
月出隔岸聞歡呼樓臺一帶光凌亂花影入波波亦綯
沿溪約略三兩家歸客攀樹驚棲鴉齋鐘初動客初醒
花外萬枝燈火影
十八日戴村士人約食河豚因放舟詣其居并留宿
鯪鯪肪白土花斑夙約凌晨出北關却到戴村渾半日

舵工云轉十三灣

牛宮斜對讀書堂纔出堂扉便廣場不種疎梅與桃李

門前十里菜花黃

十九日偕陳刺史明善同詣亦園夜宿卽席賦贈

我初來亦園主人耽賦詩坐客劉

文學 邵辰煥 屠紳 刺史

各各拈吟髭我再來亦園主人思彈冠名士欲出山笑

殺蔣

侍御 舅氏

與袁

大令 枚

山中後崔拋離久卅載復來園畔

走紅香亭暗綠閣傾一壑一邱何所有亦園主人亦可

憐五十乞養囊無錢折腰空拜道旁吏歸骨已少城南

田窮州遠在風沙窟自說歸裝僅冰雪賣刀買犢記前

時作字換鷺空此日

主人工書時 賣字作活

主人雖貧仍愛友布

置一筵談夜漏園空月出樓鳥驚醉折園花爲君壽

時作字換鴛空此日
主人工書時
主人雖貧仍愛友布
置一筵談夜漏園空月出棲鳥驚醉折園花爲君壽
月上攜酒花神祠下小飲

夢中欲去醒復還門外流水聲潺潺主人約客啓一關
天嬌十二排紅闌神兮却立玉作顏佩影空際鳴珊珊
仙人顏色皆渥丹騎雀無數雲頭看案旁一人堆髻鬟
艷若桃李香吹蘭格高意遠不可攀幸昨識面緣非慳
乍離乍合彈指間嫣然笑口合覺難三十三徧春花殘
始知神仙在世亦不閒況我木石心同頑作詩題壁興
亦闌月午花朵偏班爛放船出口越數灣卧看一桁船
頭山

古香齋栢樹歌爲陳刺史賦

古香齋頭兩株栢出土根同榦如劈主人齋屋斜向東
一樹從南一從北虬枝擊屋屋已破拔地青蒼刺天黑
森然四角沉陰滿日出當心不能赤人間落落古丈夫
天半亭亭挺孤直飽經雨露顏仍黝不與凡姿競顏色
主人愛客客奇絕三十年前住昕夕客行握別樹始栽
樹竟幾番長過客今來盤薄山齋內樹與主人皆素識
摩挲撫樹對主人可惜主人頭竟白客今行周三萬里
樹亦添高廿餘尺祁連山頭楠木滿曾遜此株雄且特
頂平不待修雷斧榦老偏能挽風力枝經數折撐霄漢
根已三重透泉脉因思復有三十年樹欲抉天人入穴
沉吟不厭百回步徙倚每聞三歎息十圍櫟樹枝皆俯

半里松濤響誰敵心空早厭禽巢鬧眼冷靜將人海閱
商量何物件歲寒移得園東丈人石

二十日微雨自徐墅七里步至潘墅買舟歸

徐墅及潘墅弓背路七里雨絲雖驟灑客步亦徐起買
舟東岸下柳外天始霽紆徐路何曲偏仄橋欲圯行至
西小湖驚翻一雙鯉

廿一日同人遊東嶽廟久憇禮斗樓

奇花初孕雀初胎曾約幽人一再來要望紫雲飛過處
大家排手上層臺

長日悶從何處破拈得紙燈繙夜課三層樓上月當心
燕子不來人獨坐

寒食已刻趙兵備翼招同趙比部繩男蔣太守熊昌莊
宮允通敏陳大令賓劉宮贊種之小飲山茶花下卽

席賦贈

萬花紅處屐初停勝踏橋南百草青此樹果然同畫錦

故交先已若晨星

十餘年前曾同盧學士文昭
莊明府繩祖讌此今皆下世

才奇耻

著談龍錄

席間主人論及近
時人詩議極平允

屋廣仍餘旋馬廳何幸洛

中耆老會始衰先得附頽齡

坐中客自八十至六十
惟余年僅五十餘

是日晚偶成

月到廿三剛半夜客從二十便孤征何因沙漠歸來早

重見江鄉節序更蒸黍未嘗忘絕域

伊犁清明日
以蒸黍饋客賣餠

先已報清明籬桃乍放溪梅落算在人間又一生

莫折柳歌清明日早起見人家皆折柳插門戶感而賦

先已報清明籬桃乍放溪梅落算在人間又一生

莫折柳歌

清明日早起見人家皆折柳插門戶感而賦此

君不見道旁人歲復歲傷陽春又不見道旁柳年復年
摧客手赭白馬迎人歸所種樹皆成圍門內人門外樹
縱相離無十步客欲折人已嗔人愛樹花憐人前花朝
後寒食柳眼青人鬢白

清明日早起

一片迎神鼓驚從枕上來最憐新節序須覓好池臺鳥
逐吟聲轉花同笑靨開兒童漫相詫廿載客初回予自
己亥
後至此始值
里中清明

廿四日西堂獨坐

魏紫姚黃放尚遲東風先落小桃枝梨花白到銷魂處

只有雙雙鷓鴣知

廿七日上城東浮屠遠望

偶踏城東路孤僧爲煮茶因登七層塔看得一城花

挂帆東北去尚未越溪灣只有吟眸闊能看百里山

廿八日莊徵君宇遠招飲小山堂看花作

抱病經時履跡稀忽傾家釀佐鮮肥春從傍水朱門入
花繞扶風絳帳飛雲外子規啼緩緩夢中胡蝶影依依
主人未是耽狂飲憐我新拋短後衣

初二日味辛齋看海棠作

無香色已冠香林艷向亭坳屋角尋隔岸綠先浮曉漲
對牀紅欲膩重袞秋花祇作傷心草蜀魄原疑其命禽

對牀紅欲膩重衾秋花祇作傷心草蜀魄原疑其命禽

一曲闌干三尺影幾回燒燭到更深

三月三日攜酒出遊并上城東浮屠

風光真已勝清明杏葉扶疎柳葉輕上已幾年悲遠客

先庚三日喜新晴

初一日晚積雨始晴至初四為庚辰日

書從薄洛津邊

至

是日得蔣仲先河南書

酒向浮圖頂上傾不是遇花偏痛飲更

誰佳節住江城

顏大令崇榘寄示明楊忠愍公名印敬賦二律

不與頭俱碎惟餘石一拳百年宗社託三字姓名傳入

世心先剖登壇肘偶懸何須尋四角應有怒蛟纏

却憶明中葉權奸盜國章幾人關氣運此石閱滄桑尚

有朱丹色彌爭日月光危塗如借佩螭魅爾何藏

趙兵備詩來嘲余牡丹未開遽爾召客因走筆用原韻
作四百二十字報之并邀同作

前日上巳過後日穀雨至天公逞春容伎倆已畢試惟
餘木勺藥墻缺尚需次含苞雖未吐已復極姿致春鶯
翩然來胡蝶各展翅鄰家雙紫燕日向闌楯伺主人亦
瞿然此足助詩思萬物取氣先遲恐不及事以口試問
心催花具當治倘經三兩日蜂蝶必大肆成團舞花下
人反無位置鄰翁顧相嘲笑我先設施何如花放日花
下具筵熾看花仍縱飲乃拜主人賜不知主人心蓋亦
有所自流年如電掣稍縱卽欲逝前時餞辛夷欲待月
十四十三風雨破白壁忽捐棄留花無別法祇隕花下

十四十三風雨破白璧忽捐棄留花無別法祇隕花下

涕因之悟消息事事須早計一觴兼一詠庶不失交臂
諸公誠詩豪亦可預先製名篇早流播不使有疵累又
聞此花開神仙定遊戲以我廁其間造物或者忌何如
先數日看此欲開意花光雖未破先足嗅花氣梨桃及
棠杏四美況兼備縱然輸國色紅白亦奇麗午餘新月
好旭日又晴霽譬如名姝來先已媵姪娣遲延至月望
花迺徧甲第家家排花筵勢必窮百味而我先設餐庶
不哂粗糲先生展然笑此或自爲地牡丹開十日鶯粟
又當替藤花三兩架紫艷半空蔽芙蓉渠與金粟一一緣
此例主人詞已畢客或笑詞費仍須罰主人別具餅一
筍謝花兼謝客并助詩氣勢花月皆十分何妨再揚鱗

趙兵備以十四日招客讌牡丹花下先期以花朵絕小
作詩解嘲因用原韵復得五百八十字答之

我家一叢花發自月初九將開及全放自卯看至酉凌
晨攜卧具月午佇尤久今年比前年花朵益穠厚將傾
十家產約此數執友忽然敲門來遞到詩一首千言何
反覆欲自飾怩忸主人詞未畢花已若蒙垢我爲花歎
息轉向主人叩解嘲旣前作踵韵曷敢後名花同主客
兩造愈紛糾今來展詩讀花乃開笑口主人非憎花其
實乃惜酒酒纔量升合花敢大如斗如能傾宿釀日日
約儕耦更呼箏琵琶花外小垂手園亭雖未廣水木足
淵藪池寧嫌屈曲山不厭培塿尋檐引芻尼闕港貯蝌

淵藪池寧嫌屈曲山不厭培塿尋檐引芻尼闕港貯蜩

蚪斜飛紅蛺蝶倒挂綠鸚鵡花光旣全舒花蘊始盡剖
圓花與圓月上下璧合紐自然圍徑尺益復致抖擻酣
春倚池臺窺客入戶牖黃紅紫墨綠五色無不有主人
不負花花肯主人負今聞乃不然花亦欲回詬年前春
乍半挈棹至虎阜買花先靳價遂不計美醜歸同薪把
束益致種襍糅譬如龍鳳姿肯齒牛馬走名雖市娉婷
實則計子母花神暗中笑此老亦奚取如何不自責反
使花受咎不見劉中允種不見蔣通守昌騏千金買傾國
臉杏臂則藕錢刀惟不惜貴在得幼婦名花倚闌檻靜
女執箕帚理固無不同珍皆等瓊玖主人讀新詩唯唯
又否否花無纖介失過總主人受鼠姑開已徧次欲到

鴉舅香丁紫瑣碎
菜甲黃蕾菩翮反
山櫻桃旖旎水楊
柳蓺蘭成一頃樹
蕙又數畝凡茲眼
前景均足佐樽酌
如思共晨夕竝可
約誰某名花分向
背好友列左右目
成原不易心賞亦
非偶闌干巡乍徧
墻角放偏陡商量
設几席羅列到瓮
缶肴寧侈水陸囿
自足筍韭沿林採
松簞搜徑覓竹飈
將雛雉登木合隊
魚麗留山陰醅正
熟淮北麵須浚一
一炊溼薪時時具
乾糗花前成勝賞
兼爲主人壽我若
醉百回頽然亦成
叟
偶遊夾城菴題壁
夾城菴風日好人
欲往橋先倒牛羊
多人跡少百株花
一坡草僧歸遲燕
來早

十五夜小飲牡丹花下待崔三景侃不至

燕燕鶯鶯久作羣
墻頭入夜望如雲
得天獨厚開盈尺
與月同圓到十分
何處更容傾國見
此香先已上樓聞
誰憐露白燈紅夜
倚徧熏爐待鄂君

劉中允種之齋頭紅牡丹盛開招同人小集卽席賦贈
入座香風已四飛
姚黃魏紫認都非
神仙隊裏仍耽酒
富貴叢中獨賜緋
影共朱霞相激射
情於紅袖最因依
平泉十載纔開宴
怪底從前識面稀

自無錫放舟至梅里謁秦伯祠

山城距山鄉卅里挂帆往土風
何清淳耕釣尚相讓
崇岡經數折土殿亦軒敞
東西無襍木列栢振清響
咫尺

堯峯山堯時日初上

古藤歌

藤相傳爲宋蘇文忠公寓孫氏宅時手植今宅歸湯
方伯雄業三月十九日湯公子招同人宴集花下卽
席賦此

建中靖國藤一條剖半化作潛潭蛟猶餘半榦卧偏穩
閱歲七百如崇朝心空貌古枝尤禿自砌及檐剛五曲
居停偶憶孫居士移種竟傳蘇玉局花時一巷吹古香
紫燕不敢棲雕梁借公真氣方壽世木理亦肖公文章
距花百步看乃足高榦都遮出檐木沿溪左右三十家
一半看花盡升屋葛仙橋邊路四通香氣已過橋欄東

一半看花盡升屋葛仙橋邊路四通香氣已過橋欄東

半空紫繖益奇絕千朵萬朵飛玲瓏竟思遠挈郛筒酒

祝樹與公同不朽因花我復憶名花香國亡來亦云久

藤側有香海棠一株亦文 滁山釀水首重回風味不減

忠手植康熙中燬于火 歐家梅有歐陽文忠手植梅 廬陵幾載作滁守公亦三

度常州來才名一代兼風義落落寰中此師弟詩狂久

已上青天榦古尚能蟠大地樓窗八扇正面花欄楮屈

曲枝了杈若將座客比花壽細校歲月無多差坐中十

計六君不見紫藤花開墨池漲東坡洗砚池本在藤花

百餘古色班斲各相抗此花畢竟始何時我欲東行咨石

丈

雲谿行送楊上舍元錫北遊

月出雲谿東照見雲谿西雲谿鯉魚亦成隊生世不肯
離雲谿柰何溪邊人屢放溪邊艇我向溪頭望遠行布

帆一一飛無影君居雲溪已七世三世及交情竝摯君族

祖衣文印曾及尊人敦復皆余故交矧君才筆勝昔人使我論交復傷逝

牡丹花紅繡毬綠搖蕩溪光數間屋家無長物殊可笑

祇有貯詩餘舊籠城東別墅高數層君家有園在玉梅橋側俗名楊園

老樹尚挂千年藤昨因酒後一臨眺君已薄醉難同登

最憐雲溪春更向雲溪步我屬溪頭赤鯉魚送君直到

江干渡

廿三日沈廣文元輅招飲餞春

苜蓿盤雖舊櫻桃讌已新是日始嘗櫻桃歌仍呼趙鬼論早薄

昔荷盤雖舊櫻桃燕已新
是日始歌仍呼趙鬼論早薄

錢神二句櫟括座申事 半夜乍升月五更猶是春
更欣時雨足

歸路洗街塵

屋後圃中鶯粟盛開率成一律

日日衝簾柳絮風送春已覺酒杯空
墻頭新月半鉤綠

屋後好花三畝紅芳草更繁
人跡外艷陽都在鳥聲中

誰憐萬里烏孫道錦樣韶光
早郭東伊犁年來鶯粟最盛花朶視內地加倍

蔣州守業晉寄天遠歸雲圖索題

江漢爭流處茫茫鸚武洲又隨鴻
北去直到海西頭楚

國萍如斗天山月挂鉤何因暫謀
面兩地訝同遊余兩至楚

中一詣塞外與君略同而路較遠
又戊午年乞假歸曾于吳門一識君

萬里遄歸日輪臺雨夜過夢餘清淚落天外斷雲多此
客情何逸勞人鬢亦皤披圖一惆悵疑聽郢中歌

端五日偶成二首卽柬趙兵備

古人稱禁煙不聞禁競渡此如唐水嬉亦若漢賜酺一
年惟數日犇走及婦孺書生縱憂俗施設當有素調劑
得其中貴在審時務何因興大獄幾至成黨錮甘陵判
南北此事匪細故流傳到絕域衆口尚含怒欲救舉國

狂惜哉謀已誤

余昨歲入嘉峪關卽知里
中因禁龍舟至興大獄

白雲一曲溪夢寐三十載流觀眼底人已苦乏同輩今
晨新雨霽耕者釋耜耒萬屐鏗有聲紛然聚闐闐榴花
紅似火村女滿頭戴橋左幔已張溪光迭晴晦沿溪尤

紅似火村女滿頭戴橋左慢已張溪光迭睛晦沿溪尤
曲折窗牖分向背龍舟銜尾至畫舫亦成隊俗奢原可
慮幸此豐歲再江魚頻入饌山果隨所愛水明樓上望
趙叟已先在相應攜蒲觴終日與晤對

雲溪競渡詞十二首

雲溪如畫水如油今歲歡場昨歲留不肯更將風景煞
六龍城現四龍舟

高處燈光碍月輪軒窗無地着飛塵生生視昔加三倍
樹上禽巢樹下人

怒雷激電滿平川艇子如風不及旋齊向白雲尖上立
萬堆蠟屐雨聲圓

傳來新調唱攤黃分半吳姬束急裝八角鼓完三弄笛

十番絃索一齊忙

萬艇如梭集水隈
兩邊樓閣亦齊開
官河塞斷雙龍嘴
不管吳門水馬來

吳船裝束近來工
南北窗櫺面面通
一晌夕陽紅不定
杏黃衫子立當風

枇杷桃杏滿盤堆
遠有江鮮入饌來
屈指半旬交夏至
洞庭船不送楊梅

河泥船好六倉寬
村女梳頭映水看
燕麥兔葵蠶豆莢
曉涼先向舵樓餐

占得雲溪好景多
前門船向後門過
詩翁住處人能識

八字門臨八字河

趙兵備所居
前後皆枕溪

八字門臨八字河趙兵備所居前後皆枕溪
角黍堆盤酒滿壺家家歡喜易新符
董龍社橘人猶指更禁魚蝦入市無

一旬日日敞華筵醉向東頭閣上眠
怪底月光飛不到船船燈影接青天

夢裏雲山一萬重生還真荷

主恩濃升平樂事誰能譜我本江鄉識字農

續競渡詞十首

紅板平橋次第過未昏燈火塞城河
風光暗覺年來換畫舫珠簾卜夜多

緩雲閣接甌香館一帶紅欄間碧欄
正值白雲谿水漲龍舟南北打招寬

鳴鈺日午說傳餐鄉味偏驚水陸全拋却萬錢邀七客

將軍原合住樓船

劉總鎮烜譙客極費爰戲及之

無舟可買上藍輿祇覺今年興有餘畫舫塞河人塞岸
更無隙地著禽魚

郭東千尺水雲寬老白龍來盡改觀更向榜頭題

御覽天津城北昔迎鑿

五色牙旗按五方東西北廟蒸真香更穿白馬司徒港

去謁金龍四大王

水中彩鷁岸雲車鈺鼓聲喧襍晚笳同向赤烏橋外過
霓旌紅閃半天霞

百尺濃雲水上開嫩晴先已過蒼靄白須社長從頭說

百尺濃雲水上開嫩晴先已過黃霉白須社長從頭說
二十年中第一回

兩邊簾幕不須遮日日輕橈泛水涯笑煞隔河諸女伴
釵鈿質盡不歸家

雲鬟雨笠剩閒身夢後樓臺愴客神依舊瑣窗飛燕剪
就中偏少賭茶人

趙兵備以地理數事見訪因走筆奉答猥蒙長篇獎假
并日爲行祕書因率成四截句酬之卽戲效其體

百篇君有連城壁萬卷吾無紀事珠一賦十年如製就
願同達載注三都

尚慙正卯記醜博敢說師丹老善忘莫更一瓶綠舊例

次公猶恐醒而狂

來詩欲緣借書之例問一事卽贈酒一瓶故戲及之

東坡詩集卷第三
三
一巷東西本接連數椽應愧卜居先倘逢款戶求文者
大作家今在那邊

三伏將臨九夏長不辭揮汗走門坊奚奴拍手還相笑
此兩閒人何大忙

西谿漁隱歌爲會都轉燠賦

我家近南江乃望北江北桃花洲上三面山久欲臨流
築居宅君家住西江乃憶西湖西西湖盡處一溪在碧
水蕩漾天低迷我爲北江農志不謀稻梁江潮壁立一
亭嵌日校五雅兼三蒼君爲西溪漁意不在魴鯉綠蓑
一領不肯穿日日吟詩北窗裏萬言落筆不得休雕琢
欲使前人愁明堂左右列樽俎武庫甲乙森戈矛西溪

欲使前人愁明堂左右列樽俎武庫甲乙森戈矛西溪

漁隱詩六卷派與西江亦殊判沉思早抉天地奧古色
不供時世玩竹西風月宦十年珠履賓客盈三千平山
堂縱日登眺清夢只落西溪邊西溪近界江海中溪上
南北雙高峰詩筒往往襍釣筒得句時復驚蛟龍才名
京國誰能偶輩行居然欲稱叟西清東觀及外臺十六
年中一千首歐陽戀頰湖安石號半山名流所在寓清
興好景何必皆鄉關卽如西溪邊咫尺接東海拔地倚
天詩筆在潮生潮落爾許忙漁弟漁兄欲誰待君不見
宮亭湖上源兩支章水貢水流無時西江宗派吾豈知
快意且讀西溪詩

袁文學廷禱移居載書圖

不惜兼金百計儲
牙簽時卷復時舒
一紙日詣袁居士
欲讀人間未見書

委巷南頭與北頭
三遷我敢比前修
丹黃句讀依然在

時復傷心上小樓

中河橋側委巷中有小樓二楹余少孤時母太宜人授經處也今從弟顯

吉等尚居之

袁文學集明東林諸賢及黃石齋手札彙成長卷索題
不知我者不可言
知我何不書
連篇笳花委鬼正當路
舉筆欲下心憂煎
二周一魏書
如此悼歎人生不如死
求忠于孝古所云
忠節門仍生孝子
銅山先生起漳泉
萬言一疏人爭傳
明知末路不可挽
獨抱白日歸虞淵
蓼洲詩石齋集筆底
欲扶天地立
快論時歌復時泣
明

蓼洲詩石齋集筆底欲扶天地立快論時歌復時泣明
家社屋已百年紙土尚復生雲烟君不見季侯箋孔時
箋

跋巨超上人足踏萬峰卷子

天下佳山水南條與北條我餐蔥嶺雪目斷海門潮是
處皆飛錫何峰合挂瓢言從贊公宿相與話迢遙

佛國鳩羅什仙都梅子真欲尋方外友喜得箇中人論
已參禪悅菴仍借隱淪百篇心賞在幽谷乍生春

十五日自京口渡江至焦山憇定慧寺作

西南行盡路萬千返棹乃訪茲山巔茲山風急不得上
幸有巨石攔洲前山坳一石戴一屋步縱曲折心安便
側身東望始寥廓初日欲上潮無邊心飛西海足東海

下瞰無地高惟天放臣逐客罪應死跬步懼有神拘牽
山靈怪我貌衰老頭上雪色來邴連齋厨粥飯客寮酒
彈指已近三十年僧雛髮白野猿老只有崔頂紅逾鮮
四山松栢悉合抱榦老盡起青蒼烟少年事業百不就
削壁僅把新詩鐫浮名在世究何益回顧我已慙焦先
塵勞擾擾及一世足繭欲乞空山眠來歸萬里去萬里
祇覺豎亥堪隨肩昨呼漁叟與堅約終老誓種江南田
東升樓看日出
海日欲出海先有鼉鼉鳴青氣一綫來潮與佛閣平樓
上客未眠光景榻畔生一杵京口鐘先遞瓜州城
山半訪隱君洞

此山開何年此客殊突兀形骸生卽委真性任汨沒遂
令巖樹上飛鳥性皆拙想見千載藤猶纏隱君骨

觀音厓待月

我來觀音巖月出斷厓口棱棱紙聲碎壁上蜥蜴走海
風吹幡竿石冷坐偏久夜半扶月歸清輝膩人手

法界樓夜坐

龍界與人界相去僅咫尺夜半驅潮來知憑夜叉力枯
僧樓上坐親見髮如戟復恐漁叟驚懸燈照昏黑

山齋訪冒鳴茹壽衢兩秀才并招小飲

書聲出戶蟲不鳴山鬼一足深宵行人頭魚身慣窺戶
見慣不怪心能平昨來酷暑剛三夕讀得好書盈一尺

鄰翁最喜文字交夜半煮酒來相邀

翠屏洲訪王秀才豫

此洲樓閣何參差五十年前盡江水廣陵城低波浪闊
藉此居然障東海圍洲三面煙水空正與北固成屏風
更殘日出東海東照見一角樓窗紅

六月二十一爲宋歐陽文忠公生日同人賦醉翁操以
壽并邀同作卽呈曾都轉燠

醉翁去後七百年平山堂下仍復開賓筵醉翁生
日重理醉翁操欲使醉翁心跡一一傳人間醉翁十年
二十年孤露蹤迹殊可憐父書讀罷母垂涕窆骨尚未
營新阡卅年四十年醉翁作直臣彝陵滁州兩遷謫身

縱可屈眉仍伸幾年作詞臣幾年作循吏治平至和中
遂爾登政地醉翁文筆世莫儔超軼六代直接韓潮州
遠不識柳開近不數穆修醉翁志節尤崢嶸手挈正士
歸明廷是時青苗免役新法尚未行洛黨蜀黨亦未交
相傾醉翁居朝端一世仰作範仁宗朝相不下數十人
公也獨參韓富范醉翁勳業又如此一世如公幾人耳
醉翁吟吟一篇惜乏沈夫子亦無杜彬琵琶皮作絃醉
翁操操土風此曲依約來滁中當時坡翁及涪翁門生
後進詩筆縱極工若論文福一一皆輸公昔者楊靈州
道公我前身揚州守芳燦顧進士敏恒扶乩所言如此見所著梁溪筆記公名如太
山詎敢追逸塵惟餘一事薄相似唇不掩齒厥效何其

神無事得謗如前人因之壽醉翁醉翁或不嗔泠泠絲

竹公賞音逸興更或彈鳴琴斜月欲墮長江潯陳後山

謂東浦曾南豐詩名官爵皆可次醉翁不見題襟館中

來日集都轉生辰荷榦荷葉依舊吹香風滿堂樺燭漏

盡不須剪正好來日直接朝曦紅

寄酬曾都轉見題荷戈集詩二首

記程一萬六千里蔥嶺遙遙接蒜山今日竹西歌吹地

又從吟榻夢陽關

我于經閣論心久君已詩壇駐足牢絕似鄴中諸子會

主人吟比客吟豪

附原贈作

曾 燠

君得為詩是

君得爲詩是

國恩長歌萬里入關門笑他紹聖元符際蘇軾文章

禁不存

滄江風雨一船高招我松寥看海濤

君時在焦山避暑擬往訪之

絕少行吟憔悴色知君未肯著離騷

題襟館贈崔

空廊怪底步不前五崔一客隨吟肩廊斜入屋勢尤窄
崔步故緩人爭先回風開窗捲羅幕客醉欲眠聞擊析
閒扉六扇夜不扃窗裏客眠窗外崔

又贈柳

柳枝西北禽巢大枝下砌蟲鳴百箇三更星暗月欲來

蟬響復從枝上墮
乍眠乍起天欲明
絲柳拂面人先醒
比肩豈獨同心友
添得三株水楊柳

巨超偕棲霞僧慧超過訪喜賦

一僧江北去復挈一僧來
把卷憶前度論詩日幾回
病依筇作命瘦與雀同胎
夜久生衣薄相遲般若臺

月波臺夜坐

萬聲聽不絕人靜此樓頭
地缺洲三面天空月一鉤
烏鴉爭噪暑蟋蟀遽鳴秋
夜半龍吟水寥寥衆響收

贈巨超慧超卽題二僧詩集

巨公居江心慧公住江滸
詩筆如龍復如虎句成寶氣
燭九霄龍虎鉢中頭盡俯
生平我喜七字詩不可一世

人儘知眼中無人締方外一任下土相朝喚君看建業

燭九霄龍虎鉢中頭盡俯生平我喜七字詩不可一世

人儘知眼中無人締方外一任下士相嘲喚君看建業
東來水日夜滔滔欲歸海二僧筆力可截江端坐已受
潮頭降餘力更把焦山扛巨公欲雲遊慧公欲高卧飛
錫竝從天外墮他日蓮臺孰高坐

廿六日同人月波臺看潮

東南風轉急全不見朝暎雲欲沉江島潮爭截海門鬢
因思舊白眼覺讀碑昏偶問滄棗事枯僧幾個存

曾都轉燠及諸賓客約以廿六日至焦山見訪聞至瓜
洲阻風二日尚不得渡作此戲柬

七日東南風不止倒捲滄溟入揚子順流一葉不得下
斷渡先從象山始一客旣去不得來一客留滯仍難回

時翠屏洲王卞二生過訪一
留象山一留此皆不得渡
松寥閣小一無事飽看雪

浪飛千堆回頭却憶瓜洲客
日日江樓看風色別來幾
日心眼空清夢時與焦公通
君不見波濤繞榻一萬重
正好日試登山筇時叱檻外
巡江龍

酬慧超僧二首

因觀竹栢樓月遠指高旻寺
燈三世佛前老衲六朝山
下詩僧

嬾到不參佛座閒來唯理詩
瓢寰中五岳難住海外三
山見招

廿八日同巨公慧公松寥閣早飯

山僧約客松花飯破曉同登竹葉樓
正爾日長思就枕

山僧約客松花飯破曉同登竹葉樓正爾日長思就枕

未妨風急遽回舟

始聞都轉等以阻風回舟

怕傳消息來三楚

時楚中教

匪尚未淨盡

閒理心情說十洲淺醉更從窗外揖午潮無際

接天流

將至消夏灣在新塘守風晚值雷雨

一湖水欲入船一湖風欲揭竿雨沉沉三十里消夏灣

在波底

泊舟夾浦七夕

此夕新湖汉口昨年古浪城樓笑看新月生處曾到斜

陽盡頭

一叟自談衷曲十年寄跡湖邊衣食全家已足瓜田盡

處乘田

夜攜酒至湖口望縹緲峰作

明月鋪不滿全湖半生陰
東山飛鳥來欲宿西山岑
一觴初完一觴續倦向望湖橋上宿
潮生月落方賞心天盡海飛空極目

東南風急不得至西山因回舟從伍浦抵東山作

白鷗入我夢知我無窮意
憐茲眼前景不作身後計
浮名生在死卽休不見敗筆作冢糟
成邛石公咫尺不得進回棹決向東山遊

自新塘至伍浦溪行襍詩

溪水綠已窮巖扃忽重閉
日華與山翠層疊川上臆
前村爨煙好穿此石林細
一徑山雨來寥寥入秋氣

瓜花黃無端被此一川綠
晨涼把竿好閑坐此谿曲人

村爨煙好穿此石林細一徑山雨來寥寥入秋氣

瓜花黃無端被此一川綠晨涼把竿好閑坐此谿曲人
家隔坡水路暗通石谷日午攜榼來人聲出山腹
兩村本一村中有雲水界溪流經數折南北已分派連
宵風色緊目送去帆快人定波有聲神魚望星拜
陸行富棊麻水行富菱芡惟茲雲水鄉不虞年歲儉門
前臨水路鷺鴨數堪點屈指白露交秋禾又將歛

寄長興邢大令澍二首并柬李司馬賡芸

故人久宰長興邑逐客新遊消夏灣甚欲牽船遠相訪
斜陽影外浪如山

年前寄我長牋好

前寄質經說數條

逋峭文章擅一時更憶南

荒李司馬同官同榜兩經師

偶成

橫風兩日住江干
囊底桃花米已完
咫尺荒村無處糴
茨頭蓮實抵朝餐

溼雲堆裏漾龍鱗
一片荒寒景色新
猶勝玉門關外路
案頭無水動經旬

伍浦夜泊

高士宅邊新月上
伍胥浦口落潮餘
多應念與雙峰結
未覺途經百里紆
別路更須尋馬蹟
此行端不爲鱸魚
宵殘燭跋攤書卧
靜聽松聲落枕虛

五鼓自伍浦渡湖至東山

到來青歷歷七十二峰巔
駭浪魚先拜驚雷鳥已顛
水

聲搖短夢風色暎長年昨夜前山雨茫茫笠笠澤煙

聲搖短夢風色昧長年昨夜前山雨茫茫笠澤煙

喜晤程司理思樂

我借全湖水來清百斛塵故人吟骨健遷客鬢絲新感
激樽前語扶持難後身解旁營釣舫久約共垂綸

憇東山道院

松杉千百株小者僅及肩歷盡松杉梢一院開山巔
黃庭讀未完丹爐火猶煎道士識未來勸我山頂眠白雲
有堦級倘可升青天

孫總戎廷璧坐上卽席賦贈二首并憶卞總戎九敘四

川軍營

孫爲庚辰科武探花

萬頃洪濤艇似梭相逢先唱定風波山中共說支離叟

天上同魁甲乙科話舊半皆淪宦海

謂畢宮保沅童湖少宰鳳三諸人

源先已到黃河狂吟痛飲三更盡衣上分明燭淚多

獵獵營前秋雨斜將軍筵上說龍沙何曾一醉輪臺酒

余出關憶昨同乘博望槎薄譴最憐家似夢感

恩新覺鬢添華誰知萬里歸來客依舊軍門聽曉笳

時

在四川軍營効力已補都司矣

初九夜乘月自東山放舟至西山消夏灣宿荷花內

花光碍月舟不前花氣薰客宵難眠三更一棹破花出

客夢尚結花香邊東山荷花十里長千枝萬枝送客忙

花朵露滴波心涼西山荷花一灣好千枝萬枝迎客早

曙色上波花愈姣楊梅樹繞荷花灣深紫已落新紅殷

荷花香破夢亦闌再轉已入仙人關

梅花仙人歌爲程司理思樂賦

伯牙臺前花一山

君家梅山下

愛花人住梅花灣無夢不與

花相關莫釐峰頭花萬樹愛花人宦梅花渚却喜官閑
作花主少年愛名花花外無性情離花一步不肯行四
十不復營功名中年愛名花花外少肝膈一官雖卑意
亦適靜對花枝已忘食世人不知君笑君作花癡君聞
亦夷然直受顧不辭滿堂花開滿堂客客或呼君作花
癡君聞若不聞意亦良自得一花初開詩一首爲酌花
枝亦呼酒花神感君祝君壽來歲居然七旬叟花癡花
癡君寧然意與花有前生緣君不見梅花賦就三百篇

我今署作梅花仙

消夏灣歌贈蔡博士九齡

全湖三萬頃包此千仞山湖流再轉已不見山腹復有
溪彎環溪流迥與湖流異湖水如油溪水膩荷花世界
夢亦香淺白深紅炫天地幽人家在花深處正闌軒窗
摘蓮蘂蜻蜓舟小逐客回半日醉客荷筒杯荷筒杯醉
君酒荷露烹茶沁人口荷花中間結一樓主人約客樓
上頭烹魚煮藕日尚早手劈蓮房客先飽

白雲

白雲濛濛空所依傍天風吹之偶落坡上魚吹浪蹴忽
爾孤往空中亭亭儼若覆盎成陰旣溥一世咸仰

爾孤往空中亭亭儼若覆盎成陰旣溥一世咸仰
新浴後怡雲閣望縹緲峰

不向前山策短筇新涼浴後且從容幽窗正苦日西轉
隄落一支縹緲峰

雨花臺待同人不至

凌晨發清興瘦馬入絕壁沿山石理黝雨點亦深黑馬
力忽已微斜行憇危石風雷莽成障花雨渺無跡却啟
西北扉高臺望孤客

四鼓自西山渡湖

挂席向何處五更風色微海雲天半立山雨月中飛百
念籌關隴全家理釣磯東峰此歸去魚鳥爾何依

念書閣鋪全宋詩

封翁向研與五度風色

四鼓自西山地

向水宿高臺望

詩

詩

詩

詩

詩

詩

開化園書館

Kaizhua library

開化圖書館

Kaishua library

開化圖書館

Kaichua library

周

開化圖書館

Wakuhwa Library

開化圖書館

Kaishwa Library

Blue Cyan Green Yellow Red Magenta White 3/Color

© The Tiffen Company, 2007

TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17
1 2 3 4 5 6 7 8 9 10 11 12 13 14 15 16 17
Inches




洪北江詩文集
一七

開山圖書館
Kashua library

開化圖書

Kaishua Library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color